



TUSI AKOGA ASOTAPU
EKALESIA KELISIANO TUVALU

KO KAPAKAU
OTE
FAKATUANAKI

TAUSAGA 10

FAKATOMUAGA KITE TUSI AKOGA ASOTAPU

E maluga vikiga mo tavaega o te Atua, ona ko mafai o fakaoga ne fanau a tatou i te Akoga Aso Tapu a te fakatokaga fou tenei o te Tusi Akoga Aso Tapu. Ne fakatokagina a te Tusi tenei i loto o tausaga e uke kae fakafetai ki te Tamana i te lagi me ko mafai o fakaoga mo fanau a tatou.

E molimoli atu a te fakafetai mo te fakamalo ki malu o Komiti o te Tusi Akoga Aso Tapu kola ne panaki mo latou a te fakat okaga tenei, kae maise ki niisi e pela mo te faiakoga Polofesa Dr. Arun Gopal mo tusaga taua ne takitaki ne ia a te galuega faigata tenei. E pela foki ki faifeau mo sui katoa mo tusaga ne fai ke fakafoliga mai a te fakamoemoega tenei. Te tusi ko fakaigoa mua i te taimi nei ko *Kapakau o te Fakatuanaki* e fakasino tonu e iloa mo fanau foliki a tatou kola koi fakaakoako olotou olaga talitonu ki te Tala Lei mo akoakoga a te tou Aliko ko Iesu Keliso. Ko te akamoemoega, me ka fakaoga fakalei a te Tusi Akoga tenei ke fakamalosi ei o olaga talitonu o fanau mo tausaga mai mua

E uke a akoakoga mai i te Tusi akoga tenei ne fakavae i luga o mea tupu ki olaga o fanau Tuvalu i aso nei e pela mo saolotoga o fanau ko mafai o ave ne latou olotou tamana mo matua ki Tulafono. Kotulaga galue tasi o te tagata mo te fafine, kae maise ko fakalavelave ki te enivalomene mo mafuilifuliga o tau o aso.

Ko talitonuga o te Matagaluega o Vasega mo Kau a te Eklesia me e tenei a te kamataga o galuega kola e manakogina ke fakamaua a Tusi Akoga se gata fua mo fanau i te Akoga Aso Tapu kae ke fakasoko atu ki Tusi akoga mo Talavou e pena foki mo Failauga.

Fakafetai lasi

Faifeau Fitolau Puapua



Failautusi Aoao
EKALLESIA KLISIANO TUVALU

VAEGA 1: ILOAGA O TE ATUA MAI LOTO O MEA FA- KAOFOFOGINA O TENA LALOLAGI.

I te kamataga, te Atua.....	6
Matagi mo Galu e fakalogo ki a ia.....	7
Te laukele e o te Aliko pela foki mo mea katoa i ei.....	8
Te Atua mo ana Meaola.....	8
Tagata i te fakatusa o te Atua.....	9
Salaga ki te mea tonu.....	10

VAEGA 2: IESU KO TE TAGATA TAKUTAKUA

Iesu ko manumalo.....	12
Ko maua soko o Iesu.....	13
Ko fepaki a Iesu mo Faiakoga o te Tulafono.....	15
Ko Iesu mo te kau Falesaio.....	16
Ko faka'ma ne Iesu a te Fale Tapu.....	16
Ko Feagai Iesu mo ona fili.....	17
Ko fakasataulo ne latou a Iesu.....	19
Ko toetu mai Iesu.....	21
Ke ia ia te malu mo te mana katoatoa	22
Ko fai koutou mo aku molimau.....	24

VAEGA 3: TAPUAKIGA KI TE ATUA I TONA FALETAPU

Se tino tapuaki i aso taumua.....	26
Tapuakiga i fale tapuaki ave sale i malaga.....	27
Tapuaki ki te Atua i te faletapu.....	30
Tapuaki i loto i te Sunako.....	34
Sea te mea e olo ei tatou ki te lotu.....	38

VAEGA 4: PETELU TE APOSITOLO A IESU KELISO

Petelu ko kalagagina ne Iesu ke tautali atu.....	41
Ko lavea ne Petelu a galuega gali kae fakaofogina a Iesu.....	44
Koe ko te Keliso.....	46
Ko fakafiti a Iesu ne Petelu kae ko fakamagalogina.....	47
Ko Petelu i tua o te Penetekoso.....	49

VAEGA 5: FAIPATI MO TE ATUA I TE TALO

Tuku atu a te vikiga mo te Fakafetai.....	51
Talo mo tatou e iloa.....	53
A te Atua ne faipati mo Iosua.....	54
Iesu ko Talo.....	55

VAEGA 6: TAGATA O TE FEAGAIGA MUA NE SASALE I AUALA O TE ATUA

Noa ne Fakalogo ki te Atua.....	57
Apelaamo e seki manatu ifo ki a ia e iloa.....	58
A Mose ne puapuagatia kae aunoa mo se faitio.....	60
Te alofa o Tavita.....	61
Mikaio ne faipati ki te pati tonu.....	62

VAEGA 7: KO TALA FAKATUSA A IESU

Ko fale e lua.....	64
Tinogafulu tamafine.....	65
Ko taleni.....	66
Mamoe mo Kooti.....	67

VAEGA 8: KO TE OKO MAIGA O TE TALALEI KI TE PASEFIKA

Ko te okoga o te tala lei ki Tonga.....	68
Ko te misionale mai Tonga ne fesoasoani ki te tala lei i Fiiti.....	70
Tioti Palauni mo Kelisiano Fiti mo Samoa, ne olo ki New Britain.....	72
Mai (Cook) Rarotonga ki Tuvalu.....	73
Se Amelika ne vau ki Kilipati.....	76

VAEGA 9: AVE FEKAU A TE TUPU

Valoaga a Pelofeta e uiga ki tona igoa.....	79
Ne fakaigoagina a ia ne agelu ko te Fakaola.....	81
Meaalofa a makoi ki te Tupu.....	82
Tou tapuaki kae ifo atu ki a Ia.....	84
Tavini ki te Tupu i aso katoa.....	86

Fai ki tamaliki ke faitau ifo ne latou me e 'tau o fai ne te Kelisiano mai te fakasologa ko 'talo fakatasi ei koutou ke fesoasoani mai Iesu ke ola tonu koutou i te olaga Kelisiano.

VAEGA 1: ILOAGA O TE ATUA MAI LOTO O MEA FA- KAOFOFOGINA O TENA LALOLAGI.

Pogai o te vaega: Ke fesoasoani ki tamaliki ke malamalama ia latou te va fesokotaki o te Atua mo te lalolagi i te taimi e fano ei o lasi te olotou atamai i te Atua.

Fakatomuaga ki te vaega:

I te kamataga, te Atua
Matagi mo Galu e fakalogo ki a ia
Te laukele e o te Aliko pela foki mo mea katoa i ei.
Se se pea/io mese peeti.
Tagata i te fakatusa o te Atua
Salaga ki te mea tonu

I taimi e fai ei te vaega tenei, sala aka ki tamaliki me ne a olotou mea e iloa i te faitega o te lalolagi ne te Atua.

Lesona 1: I TE KAMATAGA, TE ATUA

Pogai: Ke fesoasoani ki tamaliki ke mafaufau ki te Atua tela ne faite ne ia te lalolagi.

Tusi Faitau: Kenese 1:1-8, 14:19, Salamo 9:1-6

Fakatokaga mo Faiakoga:

Ke iloa ne tatou me ko te Atua ne faite ne ia te lalolagi. Ne faite ne ia te la, fetu mo vai mo lakau.

Lesona:

Fakamatala te lagi tela e kamata atu mai lalo nei ke oko loa ki te vanimonimo.

Fakamatala te la mo tena galuega mo tena aoga ki olaga o tatou.

Fakamatala fetu mo olotou galuega mo olotou aoga

Fakamatala te masina tena galuega mo tena aoga

TINO FAKATAUTELE	TE KELISIANO
1. Tumau o fakamasani (Teletele)	Talo, faitau Tusi Tapu, fano ki lotu mo akoga Aso Tapu
Fakalogo ki fakatonuga	Sa fakamoemoe ke faigofie a mea katoa
Tasi ki tulafono o te tafaoga	Tausi ki tulafono e 10, kae maise e iloa ke alofa ki te Atua mo tino.
2. Taumafai o uku ifo te 'mafa o tona foitino	Tiaki a uiga masei kola e fakalavelave ei otou olaga tautali ki a Iesu.
3. Tumau o taumafai (kufaki)	Se loto vaivai mafai ko 'se, kae toe taumafai faeloa o toe fakatonu mea
4. E kilo faeloa ki mua i te fakatautelega ki te manumalo	Kilo faeloa ki a Iesu o fakakoako kae tautali ki ei.

Pefea o fakamasani tatou ke fai tatou mo Kelisiano tonu i te tausaga fou? Ne a tulafono mo Kelisiano? Sea e iloa te tulafono pito sili i te taua? A Iesu ne fiafia faeloa o fai te loto o te Atua i taimi katoa? Ke oko foki e iloa ki tona mate i te Sataulo?

Te tino fakatau' tele e pei ki gatu 'mafa, io me fakafonu taga o tona tivae ki mea 'mafa? Nea mea kola e faka'mafa kae fakalavelave ki te tele a Kelisiano i te lalolagi nei?

E fakamagalo ne Iesu tatou mafai tatou e agasala? E 'tau o mafaufau faeloa tatou ki agasala ko oti ne fai ne tatou kae manatu pela me ko se mafai e iloa tatou o tai feoloolo.

Kafai e tele te tino fakatautele, e kilokilo faeloa a ia ki te laukele? Se a te mea e kilo ki ei te Kelisiano i tena olaga fakatau' tele i te lalolagi nei?

8th Tamaliki: I te Fanauga a Iesu i Peteleema e isi ne makoi ne o'mai mai fenua 'mao o fai meaalofa ki a Iesu. Ke fai 'tou 'talo. (5,6 f. Talo ki te Atua ke talia kae fakaaoga te tou ipu ne lafo).

Tamaliki katoa: Faitau a pati konei;
Sea taku meaalofa mo Iesi, au se tino mativa? Mafai au se tausi mamoe, ka avatu ne au se mamoe, kafai au se tagata poto kafai toku tiute. Ko te mea e mafai ne au, ka avatu e iloa ne au, avatu toku loto mo Iesu.

Faiakoga: Fai te 'talo fakamanuia.

Lesona 5: TAVINI KI TE TUPU I ASO KATOA.

Pogai:

Ke iloa ne tamaliki i te olaga faka Kelisiano se itu kaiga o tino kae fesoasoani ki a latou ke tavini ki te Atua i te tausaga fou.

Tusi Faitau: Filipi 3:8-14; Epelu 12:1-2

Fakatokaga mo Faiakoga: *Sala se ata o se tino tela ke fakaasi ki tamaliki i taimi katoa e fai ei te akoga.*

Akoga:

1. Fatu sau tala i tino ne fakatautele, ko fakaasi atu ei ne koe ki tamaliki i te olaga Kelisiano se olaga e pela mo tino fakatautele. (faitau Epelu 12:1-2).
2. Fai ki tamaliki ke mafaufau ne me a uiga o fakaasiga kona mai i te Tusi ki te kau Epelu. Mafaufau muamua ki mea kola e 'tau o fai ne te tino e fakatautau i fakatau'telega penei mo mea konei e fakasolo atu mai lalo ke fesili ei koe ki tamaliki fakaasi atu se mea e 'tau o fai ne te Kelisiano.

Mea fai a tamaliki:

Ko oi ne faite ne ia te lalolagi mo mea i ei?

Ne a mea taua kola ne faite ne te Atua i te laukele mo te lagi?

Sea te mea e iloa i ei ne tatou te Atua i ana mea ne faite konei?

Lesona 2: MATAGI MO GALU E FAKA'LOGO KATOA KI A IA

Pogai: Ke fakaasi me i te Atua tela ne faite ne ia mea katoa ko ia tenei e pule i te tai mo te matagi.

Tusi Faitau: Salamo 104:24-27, 107:23-32, Iona 1:9, Luka 8:22-25.

Fuaiupu Tauloto: Salamo 95:5-10, me ko Salamo 104:24.---- " Te Aliko, ko oko e iloa te uke o mea ne fai ne koe; Ko oko foki e iloa i te poto o tau faitega o mea katoa kona; A te lalolagi ko fonu i au mea ola.

Fakatokaga mo Faiakoga:

Fakamatala te tala i te fakagataga ne Iesu a te matagi malosio.

Tauloto ke mau te fuaiupu tauloto. Salamo: 104:24.

Lesona

Fakamatala ki tamaliki te tai mo mea gali kola e maua i ei, pela foki mo te fakamataku o te tai mai luga o fakalavelave tupu.

Fakamatala te tafatai mo te papa mo ika foki kola e maua i ei.

Mea fai a Tamaliki

Se a te mea e iloa ne tatou ia Iesu, mai tua o tena fakatonuga ke lei te matagi?

Ka ia ne matakou i ei a soko o Iesu i te poti?

E nofo i fea Iesu i te fepakiga o te matagi?

Ka ia ne sala i ei te kau soko ki a Iesu?

Lesona 3: TE LAUKELE E O TE ATUA PELA FOKI MO MEA KATOAI EI

Pogai: Ke fakaasi me i te Atua ne faite ne ia te laukele kae e o ia foki a tau o aso e aumai kae fakaola a fatoaga, pela loa mo tena loto.

Tusi Faitau: Kenese 1:11-13, Salamo 24:1, 2; 104:14-16

Fuaiupu Tauloto: Salamo 24:1, “ A te lalolagi mo mea katoa i ei, e a te Aliko. A tino foki kola e nofo i ei e o te Aliko.” io me ko Salamo 95:5 (e pau faeloa mo te Lesona)

Fakatokaga mo Faiakoga:

Toe faitau Teutelenome 16:13-15, Kenese 28:22, Teutelenome 14:22,28,29, Levitiko 27:30-33, 2 Nofoaiga Tupu 31:5

Mai faitauga konei, ko matea ne tatou me e tau o toe ave ne mo mea ma te Atua mai ana mea kola ne aumai ki a tatou. Nisi e fakaaoga mo fakafiafiaga, a ko nisi mo fesoasoani ki tino puapuagatia.

Lesona:

Fakamatala tau o aso mo lakau kola e tau o fakaola i tau’ kasekese.

Fakamatala auala o te kau Iutaia kola e fakafetai ei latou ki te Atua e uiga mo faiga olotou fatoaga.

Mea fai a Tamaliki:

Kaia e ave ei ne koe ne mea ma te Atua mai au mea e maua?

E fakaaoga pefea a mea kona?

Lesona 4: TE ATUA MO ANA MEA OLA.

Pogai: Ke fesoasoani ki tamaliki ke ofo i te aumaiga ne te Atua ana manu.

Tusi Faitau: Kenese 1: 24, 25; Mataio 6 : 26--33, 10:29-31

Fakatoka fakalei foki te fale mo te tali fagai manu ke lavea ne tino katoa Fakatonu tamaliki ke se fakalogoia i taimi o te lotu. Kae ke iloa tonu ne latou taimi e fai ei olotou vaega i loto i te lotu.

Kafai e seai se lotu Kilisimasi a koutou ne fakatoka fakalei, tenei te lotu e mafai o fakaaoga.

LOTU KILISIMASI.

1st Tamaliki: O’mai onono te Tupu o Agelu ko fanau. O’mai tou tapuaki ki ei, ki a Keliso te Aliko.

2nd Tamaliki: Fakapula ne ia te pese ke usu. (Fili se pese Kilisimasi e iloa lei ne tamaliki).

3rd Tamaliki: Fakapula kae faitau mai ne ia te Tusi Faitau tela se tusi e tasi ke filigina mai tusi faitau o te Lesona 1, 2 mo te 3.

4th Tamaliki: Iesu ne fanau mai i te fale o manu i Peteleema, kae ne o’mai a leoleo mamoe o tapuaki ki ei kae fakafetai ki te Atua. Ke siki atu ne tatou te ‘tou ‘talo fakafetai ki te Atua mo Iesu. Ke fai te tou ‘talo (5, 6, e fakafetai ei ki a Iesu mo tona alofa).

5th Tamaliki: fakapula kae faitau mai se tusi filifili mai tusi faitau o te lesona 1, 2, 3.

6th Tamaliki: Usu mai e lua pese.

7th Tamaliki: Tino Iutaia ne fai’tali ke vau se lotou tupu, ka ko Iesu ne vau o tupu i olo’tou loto. Tino e manako ke vau se takitaki o fakasao latou mai olotou fili, kae ne vau Iesu o fakasao tatou mai otou agasala. Tino e fia pule malo ne latou te lalolagi, a ko Iesu e pule mo te alofa i te lalolagi.

(Ke lafo te ipu i te taimi nei)

Nea olotou manatu e uiga ki mea ka fai ne te Mesia mafai e vau ki te lalolagi?

I te vaiaso ko fano, ne tauloto ne tatou mai i leoleo mamoe ne tapuaki ki a Iesu. Ne omai latou mai koga i tua atu o Peteleema, kola e tausi i ei olotou mamoe.

Te aso nei ka tauloto ne tatou a nisi tino kola ne mai mai fenua ‘mao o tapuaki ki a Iesu.

Fili e tokofa tamaliki ke faitau i te Mataio 2:1-12; tamaliki muamua - f.1-3; tamaliki i te lua - f.4-6; tamaliki i te tolu - f.7-8; tamaliki tokofa - f.9-12.

Fesili tofotofo ne koe te vasega ke iloa aka me ko maina latou i te tala io me ikai.

Fakaasi atu ki tamaliki me i (makoi) ne fai meaalofa ki te pepe ko Iesu. Ko olotou mea taua e iloa ne ave ki a Iesu. Ka ko latou tamaliki ne a olotou meaalofa mo Iesu? Taumafai la ke iloa ne tamaliki me ‘tau o ofo/io me tuku atu ne latou olotou loto mo olotou ola mo te Aliko.

Mea ke fai:

Fakatoka ke oti fakalei te fakatokaga o te Fale o manu mo te lotu Kilisimasi i te sua Asotapu.

Fakamau ki lalo te ‘talo tenei mo fai se ‘talo i te otou Lotu Kilisimasi. TALO: Se a taku meaalofa mo Iesu, au se tino mativa! kafai au se tausi mamoe, ka avatu ne au se mamoe. Kafai au se tagata poto, ka fai toku tiute ko te mea e mafau ne au, ka avatu e iloa ne au, avatu toku loto mo koe Iesu.

Lesona 4: TOU TAPUAKI KAE IFO ATU KI A IA.

Pogai:

Ke kau fakatasi tamaliki o fai se lotu Kilisimasi, ke iloa foki ne latou te uiga o te Kilisimasi kae tuku atu olotou ola mo te Atua.

Tusi Faitau: Ko tusi o te Lesona 1, 2 mo te 3.

Fakatokaga mo Faiakoga:

Fakatoka ke toka mea katoa e iloa mai mua a ko kamati te Lotu Kilisimasi.

Fakatokaga mo Faiakoga:

Ko matea ne te Atua te gali o mea ne fai, ko isi se koga mo manu fekai, manu tolu, gata mo nisi manu aka i te lalolagi o te Atua.

Ke iloa ne tatou te alofa o te Atua ki ana manu

Lesona:

Fakamatala vaega manu mo mea a te Atua kola ne fai mo latou. Pela mo te kuli, puaka, pusi.

Te kuli, e opeope ona foge ki tena alelo tela e mafai o lei i ei, te pusi e aoga i te afuliga o kimoa, kae atafai foki ki ana tama mafai e fanau, tela e u ne ia ki tena gutu kae ave ne ia ki te koga tela e manko ke ave ki ei, te puaka e aoga ki te kai kae e tausi foki fakalei ana tama, kae fanau foki loa ne ia. Mea nei ne galuega katoa fakafoofogina a te Atua

E fakaasi mai i ei me i te Atua e alofa ki manu mai te manu foliki ke oko loa ki te manu lasi, e penei foki ki a tatou

Mea fai a Tamaliki:

Ko oi ne faite ne ia a manu?

E mata e alofa te Atua ki manu io me ikai?

Kaia?

Lesona 5: TAGATA I TE FAKATUSA O TE ATUA

Pogai: Ke fakaasi me i te Atua ne faite ne ia otou foitino kae ke oko foki loa ki tulaga fakafoofogina mo te gali te otou faitaga.

Tusi Faitau: Kenese 1:26-31, Salamo 139:13-18, Maleko 10:46-52

Fakatokaga mo Faiakoga:

I te Kenese 1:26, e se fai pela me ia tatou e pela mo te Atua i tagata, kae mafai o mafaufau, filifili i te masei mo te lei, alofa, kae ke fakataugasoa foki tatou mo te Atua.

Maleko 10:46-52, e isi se malosi o Iesu i luga i foitino o tagata. E mafai o fakalei ne ia tagata. Ne fakaasi mai ne Iesu me i te Atua e manako ki tino katoa ke tupu malosi kae katoatoa.

Lesona:

Fakamatala te tala i te fakaleiga o Iesu ia Patimaio

Te Atua e fesoasoani ki te fakaleiga o masaki me e manako ke tupu malosi otou foitino

Tokita e aumai ne latou vailakau, a ko te Atua e fakagalue ne ia ke lei a masaki

Mea fai a Tamaliki:

Ko oi ne faite ne ia tatou?

Ne faite pefea tatou ne te Atua?

Sea te mea e manako ki ei te Atua ki otou foitino?

Kooi te tagata kivi tela ne fakalei ne Iesu?

Lesona 6: SALAGA O TE MEA TONU

Pogai: Ke fesoasoani ki tamaliki ke iloa ne latou te auala fakafoofogina tela ne fai i ei ne te Atua a tou mafaufau.

Tusi Faitau: Kenese 2:7, Galuega 2:17, 18, Salamo 8:3-9

Fakatokaga mo Faiakoga:

Kenese 2:7, e iloa ne tagata me i tena ola ko te ola o te Atua.

Galuega 2: 17,18. Te fakamunaga tenei e fakamasaua mai me i te Aga-ga o te Atua e fai ne ia te tagata ke seai ne olotou mea e mafai o fai, ke se talitonu ki mea kae ko salasala fua ki koga valevale, moemiti ki moemiti fou o taimi lei.

Lesona

Te Atua ne faite ne ia tou lalolagi ke fakafoofogina kae ke fialia tatou i ei, kae ke fakaaoga foki ne ia tatou.

Te toe mea ne faite fakafoofogina loa a te Atua ko te tagata

Lesona 3: MEAALOF A MAKOI KI TE TUPU.

Pogai:

Ke iloa ne tamaliki me isi foki ne Makoi, tino poto i mea tau ki fetu mai fenua mao ne omai o tapuaki ki a Iesu i te fanaumaiga.

Tusi Faitau: Mataio 2:1-12

Fakatokaga mo Faiakoga:

Peteleema - ko te fakai o Tavita (2 Samuelu 16:1; 17:12; 20:6). Kae ne talitonu foki tino Iutaia me i te Atua ka uga mai ne ia te lotou fakaoala ke fanau mai i te gafa o Tavita

Makoi: E poto i gasuesuega o fetu. E talitonu niisi tino me mafai ne latou o iloa a mea ka ‘tupu i aso mai mua mafai e kilokilo latou ki fetu. Te fetu ne maina i aso ne fanau ei Iesu se fetu ‘kese e iloa mai fetu katoa. Tona uiga ki makoi, se tupu ko fanau mai ki te lalolagi nei. I aso foki e iloa kona ne fanau ei Iesu, e tokouke foki loa tino Iutaia talitonu me ka fanau mai se tupu o tino Iutaia tela ka pule ne ia te laolagi katoa. Helota ne fai mo Kovaa o Palesitina ne te Malo o Loma i te tausaga 47 mai mua o te fanau o Iesu. E isi ne mea lei ne fai ne ia mo tino Iutaia, kae nofo foki i a ia te manavase ma isi se tino aka e taumafai tapale a ia mai tona tofi Kovana. Tena avaga, te matua o tena avaga, mo ana tamaliki e tokotolu ne fakatonu katoa ne ia ke tamate. Kae nofo a tino mo te manavase me se a te mea kafai ne Helota mafai e logo me isi se tupu tela ka fanau mai.

Pulu Lipano: Se pulu mai se lakau tela e mafai o ‘ka i se taimi leva kae gali te manogi o tona ausaga. Se fakailoga o te Atua.

Pulu Mulo: Se pulu e fakaaoga mo fakamanogi sinu mo foitino. Se lakau foki e fakaaoga mo mili a foitino o tino mate.

Lesona:

Fakamasaua ki tamaliki me i tokoukega o tino i te taimi tena i Iutaia ko fakamoemoe katoa e iloa ki te fanau mai o se tupu (Mesia/Keliso).

Fesili ki tamaliki me koi masaua ne latou te tala o Simona? ko oi tona fakai?

Ai a ne 'teke ei i te vaitino a Peteleema i te taimi ne fanau ei Iesu?

Fakaasi ki tamaliki me nei ka toe fakalogologo latou ki te vaega lua o te tala e uiga ki a Simona i tena fanoga o tapuaki ki a Iesu.

Tala:

I te aso taeao aka, ne sasale a Simona i auala o te Peteleema o taumata saale ki tino tokouke kola ne solo mai ki Peteleema mo te tusiga igoa. Lavea atu ei ne ia se tauavaga, ko Iosefa mo Malia; e faipati mo te pule se fale talimalo. Te pule o te fale talimalo ne fai atu ki a laua me ko seai se potu e avanoa, kae ne fakamolemole eiloa Iosefa mo se koga fua ke fakaafe ki ei laua; taku atu ei ne te pule o te fale talimalo ke olo ki te fale o manu; ko te mea eiloa ko afe atu ki ei.

Ne tuu aka Simona ki luga, foki eiloa ki tona Tamana i te vao me ko pili ki te po. Ne sautala foki latou mo nisi leoleo mamoe pela eiloa mo te masani; a ko Simona ko pili foki eiloa o tai to tena moe; ko te mea eiloa ko lagona atu ne ia a tona Tamana mo nisi leoleo mamoe ko ua'te sale. Ko Simona eiloa ko tafuke aka ki luga, kae ne poi mo te matakua i te mea ne lavea ne ia.

Nei, ke 'suke aka tatou ki te Tusi Tapu o faitau mai ei te fakamatalaga o te mea ne lavea ne Simona (Faitau Luka 2:9-15)

Ne tafuke aka latou katoa ki luga, fakavave atu eiloa ki Peteleema. Kae ne taki eiloa latou ne Simona ki te fale o manu tela ne lavea ne ia ne fakaafe ki ei a Iosefa mo Malia. I te oko atuga a latou ki kona, lavea ei ne latou e pela eiloa mo te fakaasi atuga a te kau agelu! Ne totuli ifo katoa eiloa latou ki lalo kae tapuaki atu ki te pepe ko Iesu.

Mea ke fai:

Fesili ki tamaliki me a ia ne lasi ei te loto fakafetai o leoleo mamoe ki te Atua ona ko te fanau mai o Iesu?

Sea te mea e fakafetai ei tatou ki te Atua i te uga mai ne ia a Iesu ki te lalolagi nei?

Mai tali a tamaliki ki fesili kona e lua mai luga, fakatoka se talo fakafetai ki te Atua mo te Lotu Kilisimasi a koutou. Fai ki tamaliki ke tusi te talo ki loto i olotou tusi.

Fakatoka niisi mea aka e 'tau mo te fakaasiga o mea mo te Kilisimasi pela mo mouku, se tali fagai manu etc.

Te agaga o mea fakafoofogina e fai ne ia tagata ke fai mea fakafoofogina. E fai ne ia ke sukesuke ki mea fakafoofogina me fai pefea a mea mo nisi mea aka.

Te agaga tenei e maua i tino folau e pela mo kapeni Drake, kapeni Cook kola ne faimalaga i olotou tama vaka i te lalolagi.

Nisi sukesukega o mea fakafoofogina ko fai ki te vanimonimo. Ko tino ko fakaaoga fakalei ne latou te mafaufau tela ne tuku atu ne te Atua.

Tagata ko mafai ne latou o fai se masini o te fatu o tagata tela ka mafai ne te tokita o tui a pupuga o te fatu o te tagata.

Mea fai a Tamaliki;

Sea te pogai ne aumai ei ne te Atua te mafaufau o te tagata?

Nea mea ko fakaaoga nei ki ei tou mafaufau i te vaitaimi nei?

VAEGA 2: IESU KO TE TAGATA TAKUTAKUA

Pogai o te vaega:

Ke iloa ne tamaliki ia Iesu se tagata e loto toa kae e se matakua o fai te meatonu. Ke maina foki latou i te kalagaga ne Iesu ona soko, te fakatokaga ne ia o latou mo te galuega, mo te ugaatuga ke olo o fai tena galuega. Ke maua ne tamaliki a te loto fiafia o tautali i a Iesu.

Ko lesona i te vaega tenei:

Iesu ko manumalo

Ko maua soko o Iesu

Ko fepaki a Iesu mo Faiakoga o te Tulafono

Ko Iesu mo te kau Falesaio

Ko faka'ma ne Iesu a te Fale Tapu

Ko Feagai Iesu mo ona fili

Ko fakasataulo ne latou a Iesu

Ko toetu mai Iesu

Ke ia ia te malu mo te mana katoatoa

Ko fai koutou mo aku molimau

E fakamatala i te vaega tenei a te olaga o Iesu mai i te taimi ne papatiso ei ke oko ki te taimi ne fanake ei ki te lagi. E taua ki te faiakoga a te vaega tenei, me i te taimi e fakamatala ei ne koe a lesona takitasi, kae ka lasi foki tau mea e iloa e uiga ki a Iesu. E mafai o fakaaoga ne koe a tusi tala e uiga ki a Iesu kola e tusi ne tusi o lotu Kelisiano. Sa fakaopoopo ne koutou ki tala tonu i te Tusi Tapu.

Lesona 1: IESU KO MANUMALO

Pogai o te Lesona:

Ke fakaasi ki tamaliki me ne manumalo a Iesu i fakaosoosoga a te tiapolo, kae e mafai ne latou o manumalo i fakaosoosoga manafai e talitonu latou ki te mana o Iesu.

Tusi Faitau: Mataio 4:1-11, Luka 4:13

Fakatokaga mo Faiakoga:

Masaua o faitau fakalei a te tala tena i a Mataio 4:1-11. Kafai e isi se tusi tala i te tala tena o Iesu e maua ne koe i tusi o lotu Kelisiano, e mafai o fakaaoga ne koe i te fakamatalaga o te tala tena ki tamaliki. Fakamasaua ki tamaliki ke pukepuke mai olotou penitala mo faoao mo olotou tusitusi.

Lesona

Fakamatala ke gali a te tala tena o te fakaosoosoga o Iesu i te Mataio 4:1-11

Ka oti te tala tena, ko fakamasaua atu ei ki tamaliki ona ko Iesu ne manumalo i te fakaosoosoga a te tiapolo, e pena foki o fesoasoani mai ki a tatou manafai ko fakaosoosogina tatou i te olaga nei.

Mea fai a Tamaliki:

Fesili konei ka tali gutu mai ne tamaliki:

- a. Nea fakaosoosoga e mafai o oko ki olaga o tatou?
- e. Kooi e mafai o fakasao ne ia tatou mai i fakaosoosoga kona?

Fesili ke tusi mai ne tamaliki a tali:

- a. A ia ne manumalo ei a Iesu i fakaosoosoga a te tiapolo?

Fesili:

Ne a vaega takitaki (Mesia) pefea ne fakamoemoe ki ei tino Iutaia me ka uga mai ne te Atua ki a latou?

Se a te mea ne manako malosi ki ei latou ke fai ne te Mesia mo latou?

Ko oi ka fanau mai e pela e iloa mo valoaga a pelofeta? Ke fai la a ia mo tupu malosi o te lalolagi katoa?

Se vaega tupu pefea a Iesu?

Nei ko pili tatou ki te Kilisimasi. Ne a otou fakatokatokaga ki ei?

Mea ke fai:

Ta ne ata o te fale manu i Peteleema, makoi mo leoleo mamoe i te po-ke fakaaoga i te fakatokaga a koutou i te Lotu Kilisimasi.

Akoako ne pese e lua mo te Lotu Kilisimasi a latou.

Lesona 2: NE FAKAIGOA AIA NE AGELU KO TE FAKAOLA

Pogai:

Ke iloa ne tamaliki me i te fauuga o Iesu ne tapuaki ki ei a Agelu. Ko te mea ke tapuaki foki latou ki a Iesu.

Tusi Faitau: Luka 2:1-20

Fakatokaga mo Faiakoga:

I Peteleema e isi se fale e tali ei a malo mo tino i olotou malaga.

Leoleo mamoe ne tino fatauva kae mafa foki te lotou galuega. Se lasi foki te fakamaoni latou o fakatasitasi ki faiga mea faka te lotu Iutaia. Kae ne fakaasi muamua mai e iloa ki a latou te fakaasiga e uiga ki te fanau mai o te Tama a te Atua ki te lalolagi nei. Ko tena uiga te alofa o te Atua ki a Iesu Keliso e mo tino katoa i te lalolagi nei.

Lesona:

ofeta o Feagaiga Mua ka fakasao fua ne ia ko tino Isalaelu. Kae i te vauga a Iesu ne fakaasi mai ne ia me ia ia ko te Fakaola mo te lalolagi katoa.

Lesona:

Sala ke maua se ata o leoleo mamoe e tausi olotou mamoe. Fakaasi te Ata tena ke onono ki ei tamaliki..

Fesili ki tamaliki me se a te galuega e fai ne leoleo mamoe.

Tala:

Tamaliki tagata ko Simona tela se leoleo mamoe.

Vaega muamua:

Te Tamana o Simona se leoleo i mamoe i Petelema. Niisi taimi ko fano Simona o fesoasoani ki tona tamana i te tausiga o mamoe i po e ‘taki mai ne laua a mamoe ki se koga e malu lei ko tako ifo ei ki lalo o moe i tua o te fakai. Kae i nisi po ko fakatasi laua mo nisi tausi mamoe i se koga e tasi. Ka ko Simona e fiafia maloski ki ei aua e fiafia tou tagata o takatokato kae fakalogologo ki tona tamana e sau’tala mo nisi leoleo mamoe.

Te isi po ko fakalogo atu Simona ko lagona ne ia a leo e ita i sautala a latou. Kae fakalogo tonu a Simona ki olotou pati, ko te mea e iloa ko iloa ne ia me isi te se malie o latou ki fuafuaga a te malo o Loma ke fai olotou lafoga foitino.

I loto i olotou patipatiga kona ne sae aka ei i te fakaasiga a te sua tausi mamoe a pati konei; Kae mafea nei e uga mai ei ne te Atua te Mesia ke vau o fakasao tatou mai pulepulega fakasaua a tino o te malo o Loma! Ko to leva katoa te se fakataunuga ne te Atua a valoaga a te kau pelofeta e uiga ki te Mesia.

Kae ne fai aka te fakaasiga a te sua tino me ka fai e uga mai ne te Atua a te Mesia, ko ia tena tela ka ‘taki ne ia se kautau e fakatakavale ei te malo o Loma. Mai pati konei, ne fanaka ei i mafaufauga o Simona penei; “e mata e kau au i loto i te kautau a te Mesia mafai e oko mai?”

I te aso taeao aka ne fano Simona ki te sunako kae ne fakalogologo a ia ki fakamatalaga a te pule o te sunako i te Isaia 9:2-7. Ne iloa ei ne ia i te Mesia kafai e vau, se Pelenise o te Filemu. Kae i te Mika 5:2 ne iloa ne ia i te Mesia e fanau mai i Petelema. Tela ne nofo e iloa Simona kae fakamoemoe ko te mea ke na vau e iloa te Mesia, ko te mea ke fakasao ei latou mai te fai lafoga ‘mafa ki te malo o Loma, kae ke kau foki ei a ia i tena kautau.

e. Sea te fakaosooga muamua a Satani ki a Iesu?

3. Tae a tusi a tamaliki ke togi’/ke maka ne koe ko toe fakafoki ki ia latou i te sua vaiaso.

Fakaotiga

Fakaoti ki se talo ke fai mai ne se tamaliki.

Lesona 2: KO MAUA A SOKO O IESU

Pogai o te vaega:

Ke iloa ne tamaliki ia Iesu se tagata takutakua, ke fiafia latou o tautali i a ia.

Tusi Faitau: Mataio 9:9-13, Luka 6:12-16, Maleko 1:16-20

Fakatokaga mo Faiakoga:

Faitau fakalei a tala kona i a Mataio, Maleko mo Luka

Lesona:

A te tala a tatou i te taimi nei, ko te kalagaga ne Iesu ona soko i te taimi ne papatiso ei a Iesu ne Ioane te Papatiso. E isi se mea fakaofofoogia ne tupu ne matala te lagi, mo te Agaaga Tapu ko fanaifo ki luga ia ia e pela mo se lupe, mo te leo o te Atua e lagona atu e fai mai, “ A koe ko taku tama fagasele, ka ko oko e iloa i toku fiafia kia koe”

Mai i te taimi tena, ko pa’ te tala i luga i te fenua, ko oko e iloa i te ofo o tino. Ko nofo latou mo olotou mafaufauga i a Iesu se tagata o te Atua, tela la ko oko e iloa i te fia tautali o te tokoukega i a ia o fakalogologo i ana akoakoga. Ne fai ana akoakoga ki tino, kae fakalei foki ne ia tino masaki e tokouke. Tela la, gasolo e iloa a tino o fia tautali i a Iesu me ko iloa ne latou me se tagata takutakua.

Ne vau a Iesu i te sua taimi, lavea ne ia a Simona Petelu mo tena taina ko Anitelea e tatili i te namo o Kalilaia. Ne fai atu a ia ki a laua, ‘omai tou olo, ke fakaakoako ne au koulua ke fai mo tino faiika ki tino’. Ne tiaki a tili a laua kona kae tautali atu ia Iesu. ko oko e iloa i te la fiafia i a Iesu ne

kalaga atu ke tautali atu laua i a ia me ko logo tala laua i te takutakua o Iesu mo ana akoakoga mo ana mea ne fai. Ne olo atu a latou kona fetau ei mo Iakopo mo Ioane e ponopono mai te la tili. Ne kalaga atu a Iesu ki a laua ke tautali atu i a ia. Ne tiaki te la tili ki te la tamana ko Sepetaio kae olo atu i a Iesu. Ko oko eiloa i te taua' o Iesu ki a latou konei tena te mea ne tiaki ei olotou mea kae tautali ke fai latou mo soko o Iesu.

Ne kalaga foki ne Iesu a Mataio (Mataio 9:9-13), te tagata tae lafoga, e sagasaga i loto i tena ofisa e fai ana galuega. Ne tiaki ne Mataio a tena ofisa kae tautali atu i a Iesu. Ne mumu atu a tino e tokouke o fakalologolo i ana akoakoga, ka ko nisi tino ne omai ke fakalei olotou masaki. Tela la, ko oko eiloa i te tokouke o tino ne tautali faeloa i a Iesu. Mai tino kona, ne fili ei ne Iesu ona soko, ko latou kona ka nofo tumau eiloa i ona tafa ke akoako ne ia o fakatoka ke fai ne latou te galuega manafai ko galo atu a ia i te lalolagi. A latou konei ko , Simona Petelu, Iakopo mo Ioane (tama a Sepetaio), Anitelea, Filipino, Patolomaio, Mataio, Toma Iakopo te tama a Alefaio, Tataio, Simona te Kanana, mo Iuta te Isikaliota. (Faitau ia Maleko 3:13-18)

Tamaliki masaua me se mea tafasili i te taua ke maua ne koutou te loto fia tautali ki a Iesu, o fai a mea kola e loto a ia ke fai ne koutou, kae o piki mau foki ki a ia e maua ei ne koutou a te ola.

Mea fai a Tamaliki:

Lomi te ata o Iesu i te kogaloto, ka ko ona soko e tu' fakatamilo i a ia

Kafai e lava te taimi, ke tusi ne latou ki lalo a igoa o soko e masaua ne latou mai i te tala. Ka oti, ko tae ne koe olotou faoao, ko fakasino ei ki ei te tusi e tu' ei a igoa o soko katoa Maleko 3:16-18. ke olo o tauloto a igoa katoa o soko o Iesu.

Fakaotiga

Ke fakaoti ne se tamaliki ki te talo.

E tau o iloa tonu ne tamaliki a te uiga o te Kilisimasi, mo te pogai foki ne ala ei o vau a Iesu. Ko te mea ke mafai ne latou o tapuaki i te iloa tonu i olotou olaga i te tausaga fou mo aso katoa o olotou olaga. E lua eiloa mea e 'tau o galue ki ei tamaliki, kae pule eiloa te faiakoga me fai katoa io me e tasi fua e fai.

Fakatoka kae fakatulaga se fakaasiga o mea mo te Kilisimasi. Ke faite ne tamaliki ne mea i taimi o olotou lesona e tolu muamua, ko fai ei te otou fakatulagaga tena mo te Kilisimasi mo fai se koga tapuaki ei tamaliki.

Ke fakatoka ne tamaliki te lotu o te Kilisimasi. Ko fakatoka ne latou i olotou lesona e tolu muamua ke fakaaoga i te fa o lesona.

Lesona 1: VALOAGA A PELOFETA E UIGA KI TONA VAU.

Pogai:

Ke iloa ne tamaliki me i tino Iutaia ne fakamoemoe malosi eiloa ki se fakaola mo latou, kae i te fanau mai o Iesu ne fakataunu ei a valoaga. Ko tamaliki foki ke fia'fia kae fakamoemoe malosi mo te aso Kilisimasi.

Tusi Faitau: Luka 1:26-33; 46-55, Isaia 9:2-7, Mika 5:2

Fakatokaga mo Faiakoga:

Te lauga o tino ona ko te fakatonuga a te Malo o Loma.

I te 63 T.L.M. ne puke ei Palesitina ke nofo i lalo o te tausiga a te malo o Loma. Kae i te taimi ne fanau ei Iesu, koga koga katoa eiloa e pule ne te malo o Loma e filemu eiloa, kae ne manako Kaisala Aukuso ke lau a tino ko te mea ke mafai o iloa ne ia tino ko 'tau ke fai lafoga ki te malo; kae ne fakatonu atu ko tino ke olo eiloa o tusi olotou igoa i te fakai o olotou tupuga, tena ne olo ei Iosefa mo Malia ki Petelema.

2. Mesia se pati Epelu, a ko te Keliso se pati Eleni. E pau a uiga o pati konei "Fauu" pela me se tupu e fauu ki te 'ligi o se sinu ki luga i tona ulu. Manatu o tino Isalaelu me i te Mesia tela ka vau tela ne 'valo ne pel-

ga tenei. I te 1873, ne palele ei te fuliga o te Feagaiga Fou, a ko tusa ei mo te sefuluono tausaga o te la galuega i Kilipati. Ne ave ne ia te Feagaiga Fou ki Amelika ke lomi mai ei.

Ne masaki a ia, tela ne toe foki ei a ia ki Amelika o fai tena malologa, fakamuli ifo, ne fano o nofo i Honolulu. Kae e seki mafai e iloa o tuku tena galuega, e fai e iloa. Ne fakaoti te fuliga o te Tusi Tapu katoa i te 1890. Ne fakaaloalo a ia ne te tokoukega o tino. Ne maua tena degree ko te DD (Doctor of Divinity) i te University of Yale i Amelika. A misionale katoa i Honolulu ne manatu i a ia se tagata sili. A tino Kilipati ko oko loa i te fiafia o faitau ki te Tusi Tapu i te lotou 'gana e iloa, kae usu pese ki vikiga o te Atua, i te lotou 'gana foki e iloa. E taua foki ia laua a mafauauga o tino Kilipati i aso konei. Ko fakataunu ne Hiram te fakamoemoega o tena tamana, ke fai a ia mo misionale.

Mea ke fai ne tamaliki:

Fesili (a) Se a te fakamoemoega o te tamana ne fakataunu ne Hiram Bingham? Ke fai mo misionale.

(b) E fakataunu ne koe te fakamoemoega o te Atua mo koe e iloa? Tali ne tamaliki.....

Tauloto te mea tauloto: Isaia 49:6b

Fakaotiga:

Talo: Fakafetai te Atua ona ko te loto malosi o au tavini o fakasalalau te Tala Lei, tenei ko oko mai ki te Pasefika nei.

Vaega 9: AVE FEKAU A TE TUPU.

Pogai o te Vaega:

Valoaga a Pelofeta e uiga ki tona vau.

Ne fakaigoa a ia ne Agelu me ko te Fakaola Meaalofa a Makoi ki te Tupu. (tino poto i fetu)

Tou tapuaki kae ifo atu ki a ia.

Tavini ki te Tupu i aso katoa.

Lesona 3: KO FEPAKI A IESU MO FAIAKOGA O TE TULAFONO

Pogai o te vaega:

Ke fakaasi ki tamaliki a te kinauga a Iesu mo faiakoga o te Tulafono i mataupu faka te lotu, me omai o faka'se ana akoakoga. E fesoasoani te ata tenei ki tamaliki ke mafai ne latou o tu' makeke ki te meatonu.

Tusi Faitau: Maleko 2:1-12

Fakatokaga mo Faiakoga:

Faitau faka'lei te tala tenei i a Maleko 2:1-12

A Faiakoga o te Tulafono, ko tino Iutaia kola e ia latou a te pule o fakamatala a Tulafono o te Lotu Iutaia.

Lesona

Fakamatala ke gali te tala tena ia Maleko 2:1-12

Ka oti tau tala, ko fakamasaua ki tamaliki i a Iesu e mafai o fakamagalolo agasala. Ona ko ia ko te tama a te Atua, tela la, e ia ia foki te malosi o fakamagalolo agasala.

Ne seki matakau a Iesu i Faiakoga o te Tulafono me iloa ne ia me i tena fekau e tonu, me se fekau mai i te Atua. Tela la, ke iloa ne koutou e tamaliki, a te fekau a te Atua tela ne folafola ne Iesu se fekau e tonu, e seai se 'se i ei.

Mea fai a Tamaliki

Fesili ke tusi ne tamaliki a tali:

a. Se a te mea tela ne ita ei a faiakoga o te Tulafono ki a Iesu?

e. Sea te muna a Iesu ki te tino pili i te fakaleiga ne Iesu tena masaki?

i. Kooi te fakai tenei ne fakalei ei ne Iesu a te tino pili tenei?

Fakaotiga

Fai se talo

Lesona 4: KO IESU MO TE KAU FALESAIO

Pogai o te vaega

Ke fakaasi ki tamaliki a Iesu e se matakū o fai a te meatonu.

Tusi Faitau: Luka 6:1-11

Fakatokaga mo Faiakoga:

Faitau fakalei te tala tena i te Luka 6:1-11

Lesona

I te Aso Tapu ko teka, ne fakalogologo a tatou ki te tala ote fepakiga a Iesu mo Faiakoga o te Tulafono. Nei ka onono tatou ki te fepakiga a Iesu mo te kau Falesaio i te mataupu ko te Sapati (fakamatala ki tamaliki a tala kona e lua i te Luka 6:1-11, e uiga ki te akoakoga a Iesu ki te Sapati).

Mea fai a Tamaliki:

Fesili ki tamaliki me ne a olotou mea e tau o fai i te Sapati. Kae ne a mea e se tau o fai ne latou i te Sapati. ke tusi ne latou ki olotou faoao ko tae ei ne koe a faoao o ave ke togi ne koe.

Fakaotiga

Fakaoti ne se tamaliki ki se talo.

Lesona 5: KO FAKA'MAA NE IESU A TE FALETAPU

Pogai o te vaega

Ke iloa ne tamaliki a Iesu e se matakū o teke atu a tino kola e omai o fakamasei a te Fale Tapu o te Atua.

Tusi Faitau: Maleko 1:15-19

Fakatokaga mo Faiakoga

Faitau fakalei a te tala tena i te Maleko 1:15-19

ham. Ne oko a ia ki kona o faka-Kelisiano a tino i kona. E sefulu tausaga mai tua ifo, ne maua ei te tamaliki tagata a laua. Ne fakaigoa foki ki te igoa o tena tamana, ko Hiram Bingham II.

Ne akoako ne tamana a tena tama. Te fakamoemoega o te tamana, ko tena tama ke fai mo misionale. I te katoaga o tausaga e 10 o Hiram Bingham II, ne foki ei a ia ki Amelika o akoga, me seai ne akoga lei i Honolulu. Ne akoga i Boston i Amelika, ko oko loa i te lei o ana akoga. Ne fano ki te kolisi i te University o Uale. Ne fai a ia mo faiakoga, kae ne iloa ne ia me se tela tena galuega e 'tau o fai. Ne fano fano ei a ia o akoga faka-faifeau, ne oti ana akoga faka-faifeau, a ko 25 tausaga o tena olaga.

E isi se faifeau toaina i kona ne faau ne ia a Hiram i te 1856, kae fai atu ana pati penei: "Ko oko loa i te lei o tau akoga, ko maua ne koe te meaalofa tena mo te fakasalalauaga o te Tala Lei ki a Iesu Keliso, kae fakaasi atu ki tino a te mainga tonu." E seki faaletonu a Hiram i te mea ka fai ne ia. Ne fai tena avaga, toe foki ei a ia ki Honolulu.

Ne seki talia a ia ke nofo i Honolulu, me ko lava a misionale i Honolulu. Ne tiaki ne ia a Honolulu, kae faimalaga i te vaka e fakaigoa ko te "Morning Star," ne oko a ia ki Masela. Mai Masela ne fai malaga ei a ia ki Kilipati. Ko te 1857 ne oko ei a ia ke Abaiang, ko Kilipati ki matu. ko oko loa i te kese o Honolulu mo Kilipati i tena kilo. I Kilipati, e seai ne mauga, kae na ko niu fua. A Kilipati foki e tu pili ki te Ekueta. Ne fiafia a tino i Abaiang o fakalogo ki a Hiram Bingham, a ko oko loa i te faigata ona ko te gana. A tino e maopoopo i te maneapa o fakalogo ki muna mo fesili. Ne taumafai o tusitusi a muna o te 'gana Kilipati ne Hiram mo tena avaga, a ko oko loa i te tuai.

E isi se taimi ne poko ei te oge ko seai ne meakai. ne tusi a Hiram ki Amelika ona ko tena fanoanoa, ana muna: "Ne maua ne matou a meakai mai te Morning Star, a ko te mea la, a falaoa mo mea fai ko ma'sei katoa, ko oti ne pei keatea. Ko seai e iloa ne omotou meakai." E isi ne tino ne fesoasoani ki te galuega. Ne fuli ne ia ne fuaiupu o te Tusi Tapu ki te 'gana Kilipati, a te galuega tenei ne fai i te maneapa. A ko tena avaga ne fuli ne ia a nisi pese. Ne fakatu ne ia te akoga, ko oko loa i te fiafia o tino ki a ia. A te galuega lasi ne fakamoemoe ki ei a Hiram, ko te Tusi Tapu katoa ke fuli ki te 'gana Kilipati. Ne fakaaoga tena poto ki te galue-

te Tala Lei ne toki ne ia i Nukulaelae. Elekana ne vau mo tena pepa faifeau mai Malua ne fano a ia o galue i Nukufetau i te tufatufaga o faifeau ki fenua iloto i Tuvalu.

Mea ke fai ne tamaliki:

Tala fakatoetoe te tala ne tamaliki.

Tauloto te mea tauloto Salamo 27:14.

Fakaotiga:

Talo. Fakafetai te Atua, ka iloa ne matou te Tala ki a koe ona ko tau tavini ko Elekana, Amene.

Lesona 5: SE AMELIKA NE VAU KI KILIPATI

Pogai o te vaega:

Taku atu te tala o Hiram Bingham, mo te fakamoemoega o tena Tamana, ke fakataunu ne tena tama.

Tusi Faitau: Isaia 49:1-6

Fakatokaga mo Faiakoga:

A taimi muamua ne oko mai ei tino Amelika ki te Pasefika e iloa ne tamaliki i aso nei, ko Amelika kola ne omai i aso o te taua taluai.

A ko te Amelika muamua e iloa ne vau ki te Pasefika, se misionale, tela ko Hiram Bingham. Ne fano muamua ki Honolulu, vau ki Masela mo Kilipati.

E 'tau o masaua ne tatou te maneapa i te gana Kilipati ko te fale fono o te Atufenua.

Lesona:

I aso muamua kola e omai ei a vaka velo tafola, e tokouke a tino Amelika e o'mai sale ki te Pasefika. E masani saale latou o olo ki Honolulu, o utu a vai mo kauvaka. E tokouke a tino o te Ekalesia ne lagona ne latou i te olo sale o vaka konei ki Honolulu, ko te kalaga a te Atua ke ave te Tala Lei ki a latou. Ne fakatoka a misionale o olo ki Honolulu o talai atu te Tala Lei tela e seki lagona e iloa ne latou. A te tino muamua o misionale konei, ko Hiram Bing-

Lesona

A te tala a tatou i te taimi nei, ko te tala ki te afuliga ne Iesu o tino kola o fai mea togi i loto i te Fale Tapu. I te taimi ne fano sale ei a Iesu o fai ana akoakoga, e tokouke a tino ne fiafia o fakalogologo ki a ia, kae e tokouke foki ne tautali atu ia ia. Kae e isi foki e iloa ne tino pela mo faiakoga o te Tulafono mo Falesaio.

I te taimi ne fanatu ei a Iesu ki Ielusalema, e tokouke a tino ne omai o fakatali fiafia a ia. Kae e isi foki ne tino kola e se fiafia ki a ia, ko tino maumea mo tino maluga o te lotu Iutaia. E isi ne aso fakamanatu o te kau Iutaia i tausaga takitasi, e omai sale ei a latou ki Ielusalema fakamantu a aso fiafia kona. Me tau o fakatoka ne latou ne manu mo fai olotou taulaga, e faigofie ia latou o pukepuke mai olotou tupe e uke mo togi olotou manu i Ielusalema i lo te aumai ne latou a manu a latou mai i olotou fakai mao. A fili o Iesu kola e pule i te Fale Tapu, ne fakasaoloto ne latou ke fakaaoga a te Fale Tapu o togi atu i ei a manu mo nisi mea ake kola e fai ei a taulaga o aso fakamanatu kona.

Tela la, ne ulu atu a Iesu ki loto i te Fale Tapu, lavea ei ne ia a tino fai mea togi, ne manu mo nisi mea ake kola e fakatau atu, ko oko e iloa i tena kaitaua. E iloa ne Iesu i te Fale Tapu se koga e fai ei a tapuakiga ki te Atua, kae e se se koga e fai pisinisi. Ne fanatu Iesu ne afuli e iloa ne ia a tino togi mea i kona ke olo keatea me fakaaoga se ne latou a te Fale Tapu o fakatau olotou koloa. Te Fale tapu se fale e tapuaki ei a tino ki te Atua.

Mea fai a Tamaliki

Tamaliki ke tusi ne latou a te tali ki te fesili tenei:

Sea a te Fale Tapu?

Fakaotiga

Fakaoti ki te talo.

Lesona 6: KO FEAGAI IESU MO ONA FILI

Pogai o te vaega.

Ke fakaasi ki tamaliki te fakafeagai a Iesu mo ona fili, ke loto malosi latou o teke te mea se tonu.

Tusi Faitau: Luka 22:1-6, 39-48,54

Fakatokaga mo Faiakoga.

Faitau fakalei a tusi faitau kona

Luka 22:1 'Te 'Kaiga o Falaoa se fakafete' se aso fakamanatu o te kau Iutaia tela e fakaigoa foki ko te Paseka. Ko te aso tena e fakamantu ei ne te Fanauga o Isalaelu te fakasaoga a latou ne te Atua mai i Aikupito. Ko te taimi tena tela ne seki kai ei latou ki falaoa me isi ne mea fakafete i ei.

Luka 22:39 Mauga o Olive - se mauga foliki e pili ki Ielusalema. E isi se fatoaga i kona tela e fakaigoa ko te Fatoaga o Ketesemane.

Lesona.

A fili o Iesu ko lamalama o tamate a Iesu, i tala o Iesu kola ko oti ne fakalogo tatou ki ei e lavea ne tatou me e tokouke a tino ne fia tautali ki a ia. Kae e isi foki ne tino kola e ita ki a ia. A tino konei ne ita ki a ia ko ona fili, ko faitaulaga pule mo faiakoga o te tulafono. Ko latou konei e lamalama o tamate a Iesu, me ko ita i te tokoukega o tino ko tautali katoa i ana akoakoga.

E masaua ne koutou me e tokofia katoa a soko o Iesu? Ao, e tinogafulu mo te tokolua. E tokotasi mai i te tinogafulu kona ne fesoasoani ki fili o Iesu o fakalata ne ia a Iesu ki te fili. E masaua ne koulua me ko oi te soko tena?

Ko Iuta tena igoa, Iuta te Isikaliota. Ne fano a Iuta ki fili o Iesu kae fai mai ki ei ke avatu se tupe ki a ia, kae ka sala ne ia se auala e mafai ei ne latou o maua a Iesu. Ko oko eiloa i te fiafia o fili o Iesu me ko maua se tino e fakalata ne ia a Iesu ki a latou.

Ko te 'Kaiga a te Aliki - I te aso o te Paseka, ne fakatoka te 'kaiga a Iesu mo ona soko e tinoagafulu mo te tokolua, latou e kai i te potu i luga o te fale maluga o te taugaso o Iesu. Ne tufatufa atu ne Iesu ne mu' falaoa mo

ga'lue malosi i te lotou vaka. E tokolua tagata e ta te liu i taimi katoa, kae tokotasi e uliuli te lotou vaka. E fesuisuiaki te tokoono konei i olotou itula 'tu. Olotou meakai ko mutana 'ki eiloa, ko oko loa i te vave o matuku te lotou malosi.

Ko lua vaiaso ko teka, kae lavea ne latou te fenua, kae seki mafai latou olo ki ei ona ko te malosi o te matagi. E se iloa tonu me kooi te fenua me ko Pukapuka io me ko motu o Tokelau. A ko te mea e sili ei, ko isi se vaiua ko 'to ifo ki a latou, tela ne inu ei latou ki vai fou. I te taimi tena, ko se iloa ne latou me tefea te koga e fano latou ki ei. Te taimi tena, ko oko loa i te lotou fia 'kai, mo te vaivai, a ko tai mate foki latou.

Ne mo niu eiloa koi toe mo mago ei e lua a latou ne maua. I taeao mo afiafi, e faitau te Tusi Tapu, kae talo. A te Tusi eiloa e fiafia latou o faitau ki ei, ko te Salamo 27. Tamaliki ke tauloto te fuaiupu fakaoti o te Salamo tenei e 27.

I te valu o vaiaso, a ko te 56 aso ne tapea ei latou. Ne lavea ei ne Elekana te fenua. Ne matakou latou i te matagai ma toe agi malosi ko seke ei foki latou mo te fenua, ko pili aka latou ki uta, ne lavea ei ne latou a galu mo kautua mo niu. Ne pei ne te galu a te vaka ki kautua, ko se mafai eiloa ne latou o fai se mea ona ko te lotou vaivai, ko te fafine mo te tamaliki mo te tagata e tokotasi ne galo atu ne seki toe maua, a ko tagata e tokolima mo te fafine e tokotasi, ne tolotolo aka ki uta i te matafaga. E se iloa ne latou me ko oi te fenua, tela la, ko Nukulaelae i te Tuvalu.

I te taeao akega, ne maua ne latou ne te tagata Nukulaelae e igoa ki a Faivatala. Ne fainu ne ia, ave ei o tausi i te fakai. A Elekana, ne tausi eiloa ne ia tena Tusi Tapu. Fakamuli ifo, ko maua te malosi lei ia Elekana, ne kamata ei o akoako atu ki tino a te Tala Lei. Ne faipati malie eiloa a ia ki tena 'gana, kae ne malamalama eiloa a tino Nukulaelae i ana pati. Ne mafaufau tino Nukulaelae i te fekau a Elekana, se fekau e sili atu te taua; me seki fakalogo eiloa latou ki ei i taimi mua, ne fakamolemole a tino Nukulaelae ki a ia, ke lauga sale atu eiloa ki a latou, a ko Elekana e mafaufau i a ia e se se faifeau tonu, kae seki mafai foki ne ia o tali atu olotou fesili katoa. Tena ne toe foki ei a ia ki Samoa o akoga faka-faifeau i Malua, ke fai a ia mo faifeau. Ne tufa ne ia lautusi o tena Tusi Tapu ki tino Nukulaelae, tela ko se mafai ei o puli a muna o te ola i a latou. Ne toe foki mai a ia i te mauaga o tena tofi faifeau, a ko ola eiloa

Lesona 4: MAI (COOK ISLAND) RAROTONGA KI TUVALU

Pogai o te vaega:

Ke fakaasi ki tamaliki, i te Atua e galue ki misionale e alatu i fakalavelave mo fanoanoaga, mafai se tagata e fakatuanaki.

Tusi Faitau: Salamo 27

Fakatokaga mo Faiakoga:

Masaua te toa o te Tala tenei, e se se misionale palagi, e se se faifeau fakasopo, kae se tiakono fua e seki akoga. ke iloa ne tamaliki me i tino o te Ekalesia e mafai o fai a galuega mo te Atua, mafai se tino e fakatuanaki.

Sa akoako ne koutou a tamaliki, i te ake aka o te vaka tenei i Nukulaelae, ne mea fakataulaitu. Kae ne tupu te mea tenei, ona ko te matagi. Ne fakaaoga ne te Atua a Elekana, ke fakasalalau te Tala Lei ki Tuvalu.

Lesona:

E lua motu o te Atua Kuki e va pili, kaati e 25 maila te va. E masani a tino o te Ekalesia o asiasi atu ki nisi Ekalesia i Fenua konei. I te 1861, e isi se vaka ne vau mai Rakahaga o fano ki Manihiki ona ko te lotu fakapitoa o te Eseta. I te po 22 Apelila, ne fakatoka ei latou o toe foki ki Rakahaga. E tokoiva a tino i luga i te vaka, e tokolua fafine mo te tamaliki e tokotasi kae tokoono a tagata. A te tino e tokotasi o latou e fakaigoa kia Elekana, a ia se tiakono o te Ekalesia i Rakahaga. Ne fakasoko fakatasi olotou vaka e lua. A latou e 'se tau o ololo mao me se uke olotou meakai ne nai fuaniu mo vai a mea i luga o te lotou vaka.

E lei e iloa te lotou malaga. A te tau o te aso foki e lei e iloa i te taimi ko pili atu ei a latou ki Rakahaga, ko lavea atu ne latou a fale mo te matafaga o Rakahaga. E poi e iloa latou i te matagi ko takapili. Ko tu mai i Rakahaga, ko se mafai ei ne latou o oko atu ki te matafaga o Rakahaga.

Ne toe fuli te lotou vaka, ke foki latou ki Manihiki, ko te mea e iloa ko po, ko se lavea ei ne latou te laukele o Manihiki. Ne mafaufau latou, e 'tau o ake aka latou ki se motu o Rarotonga io me ko Samoa. A te tokoono tagata ne

uaina ki a latou, kae fai atu a ia ki a latou me ko te falaoa mo te uaina tena ko te fakamanatuaga ki tena foitino mo tena toto. Ko iloa ne Iesu me tokotasi mai i ana soko ka fakalata ne ia a ia, e iloa ne Iesu a te mea faigata tena ka fepaki mo ia. Ka fakalata a ia ne Iuta ki ona fili, kae ka fakasataulo a ia ne ona fili. E seki taumafai a ia o tele keatea ke sao a ia, kae ne fakamalosi e iloa a ia ko te fekau tena e 'tau o fakataunu ne ia - ke mate a ia ke ola te lalolagi katoa kola e talitonu ki tena mate mo tena toetu.

I te otiga o te 'kaiga a latou tena, fanatu ei a ia ki te Fatoaga o Ketesemane fakatasi mo ona soko e tinogafulu mo te tokotasi. A Iuta ko oti ei ne fano ki faitaulaga pule o fai te aofaga ke maua a Iesu. Ne talo fakatolu a Iesu i te fatoaga o Ketesemane koga tena, ka ko ona soko e to' a moe. i te taimi tena ne talo ei a Iesu kae oko mai a Iuta mo fitafita mo faitaulaga pule. Ne ave ne latou a Iesu, o ave o fakamasino i te fale o te faitaulaga sili. Ne seki matakou e iloa Iesu, e iloa ne ia ko te filifiliga tenei ke mate a ia, ko te mea ke Magalo a te lalolagi i tena mate mo tena toetu.

Mea fai a Tamaliki.

Fesili konei ke tusi ne tamaliki a tali ki olotou faoao:

Ai a e ita ei a faitaulaga pule mo faiakoga o te Tulafono ki a Iesu?

Kooi te soko o Iesu tela ne fakalata ne ia a Iesu?

Nea mea a Iesu ne fai i te Fatoaga o Ketesemane?

Ne ave ki fea a Iesu ne fitafita?

Fakaotiga.

Fakaoti ne te faiakoga ki te talo.

Lesona 7: KO FAKASATAULO NE LATOU A IESU.

Pogai o te vaega:

Ke fakaasi ki tamaliki a Iesu ne toka e iloa o fakafeagai mo tena mate, ko te mea ke fakataunu ei a te fakaolataga o te lalolagi e alatu i tena mate.

Tusi Faitau: Mataio 27:11-38, 41-43,50

Fakatokaga mo Faiakoga:
Faitau fakalei ki tusi faitau kona

Lesona.

A te Aso Tapu tenei ko te Aso Tapu o Laupama, te aso e fakamanatu ei te ulu manumalo o Iesu ki Ielusalem. i te aso tena, a Iesu ne sopo i te asini ka ko tino ne kalaga sale penei, 'Hossana' kae fola te auala ki lau o Lakau ko te pama, e tai pela mo te niu.

I te Aso Tapu ko teka, me fakamatala ne tatou te fakalataga o Iesu ne Iuta, te soko eiloa o ia, tena ne puke fakapagota ei a ia ne fitafita. I te aso nei, ka fakalogologo tatou ki te fakamasinoga o ia.

Iesu ko fakamasino i mua o te Faitaulaga Sili:

Ne fai te fakamasinoga o Iesu ne te kau Iutaia i te fale o te Faitaulaga Sili, tela ne fai ei te ikuga a latou ke tamate a ia. a te fakamasinoga tena ne fai mo te se tonu, ka ko Iesu ne tu eiloa i olotou mua mo te se matakū.

Iesu i mua o Pilato:

I aso katoa, a te fono a te kau Iutaia e seai sena malosi o fakasala te tino ki te mate. Tena la, ne avatu ne latou a Iesu ki mua o Pilato, te kovana o Loma, ke fakamaonia te ikuga ke tamate. Ne tu eiloa a Iesu i mua o Pilato mo te se matakū. Ne fakalogologo a Pilato ki molimau a te kau Iutaia, fai ei a tena ikuga ke fakasaoloto a Iesu me e seai se 'se e lavea ne ia i a Iesu. Ka ko fili o Iesu ne kalaga malosi eiloa ke tamate, kae ke fakasataulo a Iesu, tena ne fai ei ki te kau Iutaia ke fai te mea e loto latou ki ei.

E isi se tu a te kau Iutaia i te aso o te Paseka e fakasaoloto ei se pagota e tokotasi. Ne fai atu a Pilato me e a ma fakasaoloto aka a Iesu, kae tali mai a fili o Iesu, ko Palapa ke fakasaoloto, ka ko Iesu ke fakasataulo. E seki ai eiloa se mea 'se a Iesu i mua o Pilato, kae ona ko tino Iutaia ko kalaga ke fakasataulo a Iesu, tena ne tuku atu eiloa ne Pilato ki te mea e loto ki ei a latou. Ne fakatonu atu a Pilato ki tena tavini ke aumai se pola vai ke fano ei ona lima, o fakaasi i a ia e se kau i te ikuga ke tamate a Iesu.

Iu a tino avaga mai Fiti mo Samoa ne olo mo ia. Ne lagona ne latou a tulamu e kini. A te mea tena ko te fakailoaga ki tino fapaupau ke omai ki te 'kaiga e fai ki foitino o latou. ne manatu ei latou, e tenei te taimi lei ke akoako atu ei tatou a tino ki te tala lei o te Atua. I te taimi tena, ne manako a tino New Britain, ke iloa ne latou te tala lei e uiga ki te Atua.

Tenei foki la te isi tala, ko Tioti Palauni mo te aliki ko Taleli. Ne maua ne Tioti te tala me ko tokofa a misionale ko oti ne tamate ne tino New Britain. Ne fano a ia o sala te aliki ko Taleli, me se a te mea ne tupu kae tamate ne latou a misionale e tokofa. Ne seki talia ne Taleli ke fanatu a Tioti ki a ia, kae ne fai atu fua tena fakatonuga ki tino New Britain, ke kai a foitino o misionale kona e tokofa, kae fakatoe ne talo mo kiki te foitino o Tioti Palauni i sua aso. Ne iloa ne Tioti, te mea e 'tau o fai, ke akoako fakalei te tagata tenei, mai tena fakasalaga ke tamate tokofa misionale. I nisi taimi fakamuli ifo, ne maua ne ia a tino o te fenua, o fesoasoani ki a ia. Ne 'sunu ei ne tino o te fenua a te fale o te lotou aliki ko Taleli, mo nisi fale aka o te fakai. Nisi tino ne omai o togi tupe te mea 'se tela ne fai ne latou, kae tausi te filemu. I masina ki tua ifo, ne omai a tino o te fenua fakatasi mo te lotou aliki ko Taleli, o togi te mea 'se a latou ne fai. Ne puke ake ne Tioti te fatu, kae fai atu ki a Taleli, kafai e pei ne au te fatu tenei ki te tai, kae e galo, me sea te mea e matea ne koe? Muna Taleli, ko galo atu mo oku mata. Muna a Tioti, ko lei, a te fatu tenei ko te fakatusa o'tau mea 'se ke se toe lavea ne tatou. Mai auala konei, ko faka-taugasoa ei a tino mo misionale, fatoa iloa aka foki ne tino te lotou taugasoa alofa ko te Atua.

Mea ke fai ne tamaliki:

Tala fakatoetoe ne tamaliki a te tala tenei, kae fai ne fesili ne koutou faiakoga ki a latou.

Fakaotiga:

Talo: te Atua, fakafetai mo te loto malosi o au tavini misionale o fakasalalau te Tala lei. Kae fakamalosi mai ki a matou, ke mafai ne matou o talai atu koe ki nisi tino, Amene.

Sua tino takutakua i te galuega o te Tala Lei i Fiti ko Joeli Bulu, a ia se Tonga, kae fuli a ia ki te Tala lei, ne manako ei a ia o galue i Fiji. A tena galuega ne fai ko te lomiga o tusi. A misionale katoa konei ne fakatau fesoasoani ki te galuega o te Tala Lei i Fiti.

Mea fai ne tamaliki:

Fai ne koutou faiakoga ne fesili ki tamaliki mai loto i te tala.

Fakaotiga:

Talo: Te Atua, fesoasoani atu tou Agaga ki au tavini kola e fita i te fakasala-lauga o te Tala Lei, Amene.

Lesona 3: TIOTI PALAUNI MO KELISIANO FITI MO SAMOA, NE OLO KI NEW BRITAIN.

Pogai o te Vaega:

A te Atua ne fesoasoani ki a Tioti Palauni mo Kelisiano Fiti mo Samoa, ke galue mo te alofa ki tino New Britain.

Tusi Faitau: Ioane 3:14-17

Fakatokaga mo Faiakoga:

E tokolima tino avaga mo tokotolu tamataene mai Fiti fakatasi mo tokolua avaga mai Samoa ne olo fakatasi mo Tioti Palauni mo tena kaiga ki New Britain. E tokotasi te faifeau mo tino avaga e tokotolu o Fiti ne tamate kae kai olotou foitino ne tino New Britain. Kae tokolua a tamaliki a Teoti ne poko ne te fiva malalia.

Lesona:

A te po 15 Aukuso, 1875, ko te aso tonu tena ne oko ei a Tioti Palauni mo tena kau malaga ki New Britain. Ko te aso tapu ne oko ei. Ne taula te olotou vaka, kae nofo eiloa i luga o te vaka, o fai olotou tapuakiga, kae usuusu olotou pese. I te sua aso ne kamata ei te lotou galuega, ne olo latou fetau mo takitaki o te fenua, kae akoako ne latou a tu mo aganu New Britain, kae ke iloa foki ne latou me tefea te auala ka fai ei te akoakoga mo tino pafaufau konei, ko te mea ke tiakina olotou amiga masei, a ke alofa ki te Atua. Masaua I te kau malaga a Tioti, e tinogafu-

Ne fakasaoloto ne Iesu a Palapa, kae tuku atu a Iesu ki lima o te kau Iutaia ke fakasataulo e pela mo te mea ne manako latou ki ei. Tena ne avatu ne latou a Iesu ki te koga tela ka fakasataulo ei a ia. Ne faifai muna latou ki a Iesu, kae kini ne latou ka ko Iesu e se saga eiloa ki mea kona. Ne tuki ne latou ona lima ki fao ke mau ki luga i te sataulo, kae sisi ake ei ne latou te sataulo ki luga e tautau mai ei a Iesu. Ko oko eiloa i te mae mo te tigaina o Iesu, kae ne kufaki eiloa ne ia. Ne talo a ia ki te Atua ke fakamagalo atu a tino kola me e se iloa ne latou te lotou mea e fai. Ne faipati atu foki ki te pagota i tena feitu fakaatamai tela ne fakamolemole atu ke masaua atu a ia. Muna a Iesu, “Ko te aso nei e fetau ei taua i te Palataiso”. E ui eiloa i tena mae mo tena tigaina, kae ne mafaufau mafa foki eiloa a ia, se na mo ia ake eiloa, kae mo nisi tino kola e fia maua te fesoasoani.

Ne mate a ia ave ei o tanu:

E se tena te gataga o te tala o Iesu. I te sua Aso Tapu, ka fakalogo tatou ki te fakamaoniga o tena manumalo mai i te mate.

Mea fai a Tamaliki:

Lomi te ata o te sataulo o Iesu. A muna konei ke tusi mai i lalo o te sataulo:

“A Iesu ne mate ke ola, ke magalo agasala tino katoa. A Iesu ne mate ke Magalo aku agasala”.

Fakaotiga.

Fakaoti ki te talo.

Lesona 8: KO TOETU MAI IESU.

Pogai o te vaega:

Ke iloa ne tamaliki i a Iesu ne manumalo i te mate, ne toetu ake a ia mai i te mate i aso e tolu ke fesoasoani ki tamaliki ke iloa ne latou o tapuaki ki a Iesu tela ne toetu mai i te mate.

Tusi Faitau: Mataio 28:1-10, Ioane 20:19-29

Fakatokaga mo Faiakoga:

Faitau ke maina lei koe i tusi faitau kona

A te tanuga tela ne tanu ei a Iesu e se pau mo tanuga konei e tani ei a tino mate tatou. A te tanuga ne tanu ei a Iesu e pela mo se ana tela e ave ki ei a foitino mate o tino fakata’kato i ei.

Lesona.

E iloa ne tatou i te tino ka mate, ko ave ei o tanu, ko se toe mafai ne ia o toetu mai i te mate. Ko palele atu e iloa tena ola i te lalolagi nei. Ka ko te mea fakafoofogina tela ne fai ne Iesu, ne mate kae toetu mai i aso e tolu ko ia e iloa te tino muamua ne toetu mai i te mate e seai aka foki.

Ko te molimau tafasili i te taua tena mo tatou Kelisiano moi ne seki toetu mai a Iesu mai i te mate, e pela mo ana muna ne fai sale i a ia e toetu mai. E penei e seai se lotu Kelisiano i te lalolagi nei. E seai foki se aoga e talai ei ne tatou tena tala lei. E seai foki ne akoga Aso Tapu a tatou me e seai la se aoga i a Iesu e seki toetu mai e iloa a ia mai te mate. Iesu ne toetu mai e iloa mai te mate i aso e tolu.

(Fakamatala ne koe te faiakoga a te tala o te toetu mai o Iesu tena i te Ioane 20:19-29).

Mea fai a Tamaliki:

Lomi te ata o Iesu ko toetu mai i te tanuga, kae tusi mo muna konei “Iesu ko manumalo i te mate”

Fakaotiga.

Fakaoti ki te talo.

Lesona 9: KO IA IA TE MALU MO TE MANA KATOATO.

Pogai o te vaega:

Ke iloa ne tamaliki me ia Iesu e mana kae e mafia o maua ne latou te mlosi manafai e talo ki te Atua e auala i a Iesu.

Tusi Faitau: Epelu 12:1-3

Fakatokaga mo Faiakoga:

Ke masaua ne faiakoga i Fiti i tausaga e 150 ko teka. E masani latou o kai tino kae fakasaua.

50 tausaga mai tua ifo ne akoako ne Misionale tino Fiji ki uiga mo faiga faka Kelisiano. Mai kona ne kamata ei o mafuli mai a tino Fiji o fai ne latou uiga lei.

A galuega lei kae gali konei ne mafua mai i te kau fakatasi mo te mana o te Agaga Tapu. Ne ala ei o malosi te galue a misionale ki te folafolaga o tena muna ki te Vasa Pasefika.

Lesona:

I tausaga e uke ko teka, e isi se fono ne fai i Tonga, ne fakatu aka ne Fai-feau, me ko oko e iloa te lotou fiafia, ona ko te tokoukega o tino Tonga ko talitonu ia Iesu Keliso. Kae isi foki ne feitu e fanoanoa ei. Aua i te taulasiga o tino Fiti, koi taua kae tatino. A tamaliki foliki mo tino matua e masani sale o tamate. Ne iku te fono a Kelisiano o Tonga, ke olo a Rev Viliamu Cross mo Rev Tavita Cargill. Ne talia ne laua mo te fiafia lasi. Ne akoako ki te gana Fiti fakatasi mo mataimanu. Ke isi se la mainaga mo te mea ka feagai mo laua. E iai foki ne kupu i loto i te Tusi Tapu, ne fuli ne laua ki te gana Fiti.

Ne malaga a Viliamu mo Tavita fakatasi mo tena avaga ki Fiti. I te tausaga e 1835, i te masina o Oketopa ne taunu atu a latou ki Lakeba te fenua o Fiji. Ne avake a latou ki uta, kae akoako ki te olaga faka-Kelisiano. I tausaga fakamuli ifo ne olo ki Vitilevu te motu lasi e iloa o Fiti. A Mr.Cross ko te misionale takutakua i te takiga o te malaga. Ne kamata tena galuega i te motu katoa. Ne masaki a ia, kae loto lasi e iloa a ia o takutaku atu ne ia a te alofa o te Atua. E tokouke a tino ne fanoanoa ona ko olotou olaga ma’sei, kae ne kamata o tautali i a Iesu mo te alofa mo te fiafia, ne galue a Cross ki nisi koga koga o Fiti, ko fiafia ei latou o fai mo Kelisiano.

lemole ki misionale ia latou ko fia tapuaki ki te Atua, a ko manako latou o tiaki a olotou atua.

I te fakamuliga, ne fai atu a Tomasi ki a Ata, “Au e nono ikonei i tausaga e tolu, au ne manako o akoako ou tino, kae se talia ne koe. Nei, au ko manako o fano ki se isi koga, e saoloto ei au o talai.” Muna a Ata, ko oko loa i te lei mo koe o fakatasi atu ki tou Atua, a ko au ki oku atua, au foki e se manako o kau atu ki tou Atua- “ko fano la koe ki se koga e manako koe o fano ki ei, a ko au la e se ita.”

Tela ne olo ei a Tomasi o tena avaga ki Haapai i te feitu ki matu. A tino kona ko toka o fakalogo ki te Tala Lei. Ko fuli keatea latou mai olotou atua. A te aliki o Haapai ne fakatautau ona tupua faite e lima, te fakailoa ia latou ko mate.

Ne galue malosia a Tomasi i te fuliga o tusi o akoga, ko te fakatuga o fale-tapu. A te faletapu ko te fale tafasili i te lasi i fakai katoa o Tonga. Fakamuli ifo, a Tomasi mo tena avaga ne toe foki ki te motu lasi o Tonga tela ko Tongatapu, kae nofo i Nukualofa. A te aliki o Haapai ne fai mo tupu muamua o Tonga. Ne fakatonu ne ia ko tino Tonga katoa, ke tautali i auala o te kau Kelisiano.

Mea fai a tamaliki:

Ke tala fakatoetoe mai ne tamaliki te tala o te galuega a Tomasi i Tonga.

Lomi a muna konei: TE TALA LEI KO FAKASALALAU I TE PASEFIKA.

Fakaotiga:

Talo: Fakafetai te Atua mo galuega lei ne fai ne misionale kola ne aumai ne latou te Tala Lei ki te Pasefika. Fakamanuia ne koe galuega au tavini o talai te Tala Lei i te Pasefika i aso konei, Amene.

Lesona 2: KO MISIONALE MAI TONGA NE FESOASOANI KI TE TALA LEI I FIJI.

Pogai o te vaega: Fakaasi atu ki tamaliki, me i te fakalogo o soko, fakatasi mo te fesoasoani o te Atua ne takitaki ei a tino Fiti ke tautali ia Iesu Keliso.

Tusi Faitau: Mataio 28:16-20.

Fakatokaga mo Faiakoga:

Faitau fakalei a tusi faitau kona.

Lesona:

Tatou ka faitau fakatasi i te Mataio 28:16-20. E lavea ne koutou te muna a Iesu tela e fai pela “Ko oti ne tuku mai ki a au te pule katoa i te lagi mo te lalolagi.” E tonu, ko katoatoa te pule mo te mana o Iesu i te taimi ne mate ei kae toetu mai i te mate.

A lesona katoa konei ne fai ne tatou i te vaega tenei, e fakaasi mai i ei me ne fakaaoga ne Iesu te mana o te Atua tela ne tuku ki a ia o fai a mea konei ne fai sale ne ia. I te lesona muamua, ko tefakaosoosoga a Iesu ne te tiapolo, kae mai i te mana o Atua tela e i a ia, ne manumalo ei a ia i te fakaosoosoga.

Masaua te lesona 2, i te kalagaga o soko o Iesu? Ne lavea ne tatou me ne vave tiaki a olotou mea ne fai, kae olo fakavave o tautali i a Iesu. Ona ne lavea ne latou te mana mo te fakafoofogina o mea a Iesu ne fai, pela foki ana akoakoga, tena ne tiaki ei olotou kope mo galuega kae olo atu o tautali i a Iesu. I aso nei, ko se lavea ne tatou Iesu, kae e lagona e iloa ne tatou tena mana i te olaga o latou kola e tavini kae tautali ki a ia.

I te tolu o lesona, e lavea ne tatou i a latou e se' i olotou akoakoga. Ko muna e faipati ne ia, e iloa atu ei a te mana o te Atua ei ia ia. I te Aso Tapu, ko teka, ko te fakaasiga taua tena o te mana o te Atua i a Iesu. Ne toetu ei a ia mai te mate e fakamaonia ei a ia ko te tama a te Atua tela ne mate kae ne toetu mai i aso e tolu mai te mate.

Mea fai a Tamaliki.

Lomi te ata o Iesu e nofo i te nofoaga Aliko.

Fakaotiga.

Fakaoti ki te talo.

Lesona 10: KO FAI KOUTOU MO AKU MOLIMAU.

Pogai o te Vaega.

Ke fakaasi ki tamaliki a te fakatonuga a Iesu ki ona soko ke fai latou mo molimau o talai ate te Tala Lei e uiga ki a Iesu. Ke fesoasoani ki tamaliki ke mafai ne latou o fai foki mo molimau.

Tusi Faitau: Galuega 1:1-9, Mataio 28:16-20

Fakatokaga mo Faiakoga:

Faitau fakalei a tusi faitau kona

Lesona.

Ko oti ne kilo tatou ki tala gali e uke o Iesu i tena olaga, ke oko ki tena mate mo tena toetu mai te mate. Ne iloa ne tatou a tala konei mai i molimau a latou kola ne tautali ki a Iesu, ko latou ne fakasalalau ne latou a tala o Iesu ki te lalolagi katoa. E isi se fakatonuga a Iesu i te Mataio 28:19-20. “Tela la, olo atu koutou ki fenua katoa ke fai a tino i ei mo oku soko; papatiso foki latou i te igoa o te Tamana, te Tama, mo te Agaga Tapu. Akoako atu foki latou ke fakalogo ki mea katoa kola ne fakatonu atu au ki a koutou. Kilo ke; Au e fakatasi faeoloa mo koutou, ke oko e iloa ki te gataga o te lalolagi. Ko te fakatonuga foki tena i te Galuega 1:8. “Ka fakafonugina koutou i te mana manafai e oko atu ki luga i a koutou a te Agaga Tapu. Ka fai foki koutou mo molimau ki a au i Ielusalem, i Iutaia katoa mo Samalia, ke oko e iloa ki kapakapalagi o te lalolagi. (faitau a te fuaiupu tena ki tamaliki).

A te fakatonuga tenei a Iesu ki ona soko, ne fakataunu e iloa ne ona soko. Ko latou kola ko talitonu, ne toe fai latou mo soko o talai atu ki nisi tino, ne fakasolo ifo e iloa te talaiga oko mai e iloa ki a latou i te Pasefika, ke oko mai e iloa ki Tuvalu nei. Ko tai maua nei te 2,000 tausaga talu mai te taimi ne fai ei ne Iesu te fakatonuga tenei, kae tenei e iloa koi fano te galuega ki te talaiga. A tatou e taku ne tino Kelisiano, tela la, e aofia

Fakatokaga mo Faiakoga:

Ke maua se mape o Tonga, ko iloa ei i a Tonga e vaevae ki vaega e tolu.

Tongatapu- ko te motu lasi

Haapai mo ona motu.

Vavau mo ona motu. A te galuega ne kamata i Tongatapu, kae vave oko atu te talaiga o te Tala Lei i Haapai mo Vavau, ona ko aliki e fesoasoani ki te galuega.

Lesona.

Ko 150 nei tausaga ko teka, ne oko ei a Tomasi mo tena avaga ki te motu lasi o Tonga. A Tomasi mo tena avaga ne misionale o te lotu Metotisi, ne alo ake te la poti ki uta, ne olo o fetau mo te aliki ko Ata. Ne fai atu a Tomasi penei, “A maua ne omai ki Tonga, e se fai pela ko Tonga e gali atu ia Egelani, e seki omai foki maua o fesoasoani ki te otou taua. A ko maua ne omai o akoako a tino ki te alofa o te Atua mo nisi mea lei aka. E loto koe ke nofo maua i te fenua tenei? E fakasaoloto ne koe a maua ke fai te ma tapuakiga?. E tuku mai otou tamaliki ke akoako ne maua, kae tuku mai foki ne otou laukele mo fakatu omotou fale?”

Ne talia ne te aliki o Tonga ko Ata ke fakatu a mea a te misionale tenei. Ne kamata o akoako ne Tomasi mo tena avaga te gana Tonga, kae fai a la tapuakiga i aso takitasi. I taimi muamua ne vau te aliki ko Ata i nisi taimi ki te lotu, kae fakamuli ifo, ko fai ki tino Tonga ke se tapuaki ki te Atua o te kau Kelisiano. A te aliki ko Ata, e masani sale o fano o kai mo te misionale kae fai ana muna, me ko tena taugasoa pele, kae fai ki tino ke se togi atu ne mea ki misionale. Kafai e masaki se tino, me tupu ne fakalavelave, ko fai aka ei a muna a Ata i atua o Tonga ko ita ona ko misionale. E tokouke a tino Tonga e fia olo ki akoakoga a Tomasi, kae ma'taku i te lotou aliki ko Ata.

Kae fakaatea te feitu ko Nukualofa, tela e ga'lue ei a misionale ko Tana (Turner) mo Cross, a te tupu ko Tupou e taugasoa lei e iloa mo misionale konei. E tokouke a tino ne omai o akoako ki te tala e uiga ki a Iesu. Ko iloa ne latou o faitau kae tusitusi. I koga katoa, ko omai a tino o fakamo-

taimi tela ne fai ne latou mea konei ki so se tino puapuaga, mea kona ne fai ne koutou mo aku.

Fakamatala foki ki a latou te tala o te Samalia.

Mea fai a tamaliki:

Ne a mea e mafai o fai ne koutou fakaasi te otou alofa mo Keliso?

VAEGA 8: KO TE OKO MAIGA O TE TALA LEI KI TE PASEFIKA

Pogai o te Vaega:

A misionale Eulopa mo tino o te Pasefika, ne ave ne latou te Tala Lei ki motu o te Pasefika, kae fakamalosi ki tamaliki ke fesoasoani ki galuega fakamisionale a te Ekalesia.

Lesona i loto i te Vaega:

Ko te okoga o te Tala Lei ki Tonga

Ko misionale mai Tonga ne fesoasoani ki te Tala Lei i Fiji.

Tioti Palauni mo Kelisiano Fiji mo Samoa ne olo ki New Britain

Mai Cook Island (Rarotonga) ki Tuvalu.

Tino Amelika ne ave te Tala Lei ki Kiribati.

A te Kapeni Kuki mo nisi tino ne foki ki Peletania, o fakaasi ki ei me e isi a fenua i te vasa Pasefika. A tino Kelisiano ne lagona ne latou te kalaga a te Atua ke olo o ave te Tala Lei ki tino o te vasa ki Saute. A lesona konei, e taku mai ei a nai tala o te galuega fakamisionale ki te Pasefika. E sili ke maua se mape o fenua o te Pasefika.

Lesona 1: KO TE OKO TE TALA LEI KI TONGA.

Pogai o te vaega:

Ke iloa ne tamaliki me ko Ioane Tomasi (John Thomas) ne ave ne ia te Tala Lei ki Tonga, kae ne talia ne tino Tonga.

Tusi Faitau: Epelu 11:8-10

katoa tatou i te fakatonuga tena, ke fai tatou mo molimau, o talai atu te tala o Iesu.

Tela la, a koulua ke masaua ne koulua, i a koulua e aofia foki i te fakatonuga tena. A koutou ne molimau a Iesu, o fakaasi atu i Faiga a koulua mo muna a koulua, i a koutou e tautali kae alofa ki a Iesu. Tela la, e se tau o fai ne koulua ne muna masei, io me fai ne koulua ne amioga masei, i a Iesu e se amio pena. A Iesu e amio lei kae se faipati ki muna se lei, tela la, e tau mo koulua o tautali i a ia manafai e fia fai koulua mo soko o Iesu.

Mea fai a Tamaliki.

Lomi te ata o Iesu e fakatonu ki ona soko ke olo o talai atu. Tusi a muna konei mai i loto o te “ olo atu koutou o fai a tino katoa mo oku soko “

Fakaotiga.

Fakaoti ki te talo.

VAEGA 3: TAPUAKI KI TE ATUA I TONA FALETAPU

Pogai o te vaega.

Ke iloa me i tino ko leva iloa ne kamata o tapuaki ki te Atua mai ana mua e iloa, ko tamaliki ke fiafia foki o tapuaki atu ki a Ia.

A te Ekalesia se fakapotopotoga o tino tapuaki ki te Atua. E tau foki tatou o fesoasoani ki tamaliki ke fiafia o kaufakatasi kae aofia foki i loto i tapuakiga fai a te Ekalesia.

Fakasologa o mataupu:

Se tino tapuaki i aso taumua.

Tapuakiga i loto i te Fale Tapuaki aveave sale i Malaga.

Tapuakiga i loto i te Fale Tapuaki.

Tapuakiga i loto i te Sunako.

Tapuakiga i te potu i luga.

Sea te mea e olo ei tatou o lotu.

Mai i te vaega tenei ka iloa ei ne tatou me se masani taua o fai sale ne tino ko te faite io me fakaavanoa se koga mo tapuakiga fai ki te Atua. Te vaega tenei e taumafai o fakamalosi a te lagona mo te loto fia tapuaki o tamaliki ki te Atua ko te mea ke se pela fua me se masani e masani ki ei i taimi o Akoga Aso Tapu, kae ke tapuaki ki te Atua mai olotou loto.

Mea ke fakatoka mo te vaega tenei.

Fetufetu se pepa ke maua itulau e ono ke fakaaoga pela me se tusi tapuaki i te vaega tenei, tasi te itulau e fakaaoga i lesona takitasi.

Ite itulau muamua e iloa e tusi i ei a pati konei: TAPUAKIGA I TE FALE O TE ATUA.

A itulau muamua e lua o te tusi tenei kaati ka sae mai i ei ne ata penei;

Note: See page 64 for the drawings.

Te fata faitaulaga: Te fale tapuaki aveave sale i malaga.

LESONA 1: SE TINO TAPUAKI I ASO TAUMUA.

Pogai:

Ke iloa ne tamaliki te loto fia tapuaki o Apelaamo ki te Atua tela ne toka ei a ia o ofo atu ki te Atua te mea tafasili i te taua i tona olaga.

Tusi Faitau: Kenese: 22: 1-14; Mika 6: 6-8

Fakatokaga mo Faiakoga:

Aso taumua, tino kkola e se iloa te tapuakiga ki te Atua tonu e tapuaki latou ki lakau, fatu, manu, ika mo niisi tupua valevale

I nisi taimi sa Apelaamo, e masani latou o faimalaga i potukau, mai te koga ko nofo malie i ei o toki lakau, fagai olotou manu, kafai ko tai leva ko toe gasue o olo ki se koga fou tela e tai uke mouku i ei ke fai ei olotou manu, mo vai ei mo olotou inu.

Kae kafai e gasue atu ki se koga fou kae isi ne tino ko nofo mai i koga koga kona, te mea e masani o fai ko te faiga o se fakataugasoia i te va o tino

Fakafetai te Atua e uiga mo mealofa kesekese konei e maua ne matou i aso takitasi. E akai atu matou, me mai tou malosia mo tou ‘mana, ka fakaaoga ne matou fakalei pela mo tou finagalo, Amene.

Lesona 4: MAMOE MO KOOTI

Pogai:

Ke fakamalosi ki tamaliki ke fesoasoani ki nisi tino kola e puapuagatia.

Tusi Faitau: Mataio 25:31-46

Fakatokaga mo Faiakoga:

Te tala fakatusa tenei e fakaasi mai i ei te toe fakamasinoga. E fakaasi mai me i mea kola e fai ne tatou, e taua katoa.

Ne fai mai Iesu Keliso me ia tatou e ‘galue mo ia mafai e fakaasi atu ne tatou tou alofa ki tino penei.

Lesona:

Fakamatala te tala penei:-

I se aso e tasi, te lalolagi ko fakatasi katoa tela tupu ka fakamasino ne ia latou. Latou kola ne alofa ka ‘nofo mo ia, ka ko latou kola ne seki alofa, ka afuli fakatea.

Te tupu e pela me se leoleo mamoe tela e luku fakatasi katoa ana mamoe, mo ana kooti fakatea. Ko mamoe lei ka tuku i tona feitu fakaa-tamai.

Latou kola i tona lima fakaa-tamai ka olo mo ia ki tena Malo tela ko toka mo latou.

Ne fai atu Iesu ki a latou me i te taimi ne fia kai ei a ia, ne fagai ne latou a ia, ne fia inu a ia, ne fainu ne latou a ia. E uke aka foki nisi mea kola ne puapuaga i ei a ia, kae ne fesoasoani katoa latou konei.

Se maina i tino konei a pati konei a Iesu me e seai se taimi ne masaua ne latou me ne fesoasoani a latou ki a Iesu. Ne fai atu Iesu me so se

ko vau te tagata fakaipoipo o puke katoa latou ki tena fale tela ka fakatoka i ei te 'kaiga.

Te pogai o te tala fakatusa tenei ko te toka tela ne fakatoka.

Lesona:

Fakamatala te tala. Te finogafulu o tamafine konei i te taimi o te fakaipoipo-ga.

Mea ke fai ne tamaliki:

Sea te mea taua i te tala tenei?

Lesona 3. KO TALENI

Pogai:

Ke fesoasoani ki tamaliki ke iloa ne latou me ia latou takitokotasi e isi loa sena meaalofa fakapitoa tela e mafai ne ia o fakaaoga mo te Atua.

Tusi Faitau: Mataio 25:14-30

Fakatokaga mo Faiakoga:

I te tala fakatusa tenei, ko matea ne tatou me i otou meaalofa ne aumai mai te Atua, kae e o tatou foki te tiute o fakaaoga fakalei i te mea tela e mafai ne tatou i te galuega a te Atua. E se afaina te foliki mo te lasi, kae ko te mea taua ko te fakaaogaga. Ke masaua ne tatou me e se fai malo mai te Atua. E tuku mai loa ne ia ke filifili tatou i te fakaaogaga o tau taleni. Kafai e se fakaaoga ne tatou, ka se maua ne tatou. Kafai e fakaaoga ne tatou, ka lasi atu te mea ka toe aumai ne ia.

Lesona:

Fakamatala te tala fakatusa o taleni.

Mea fai a tamaliki:

Ne a mealofa kola e mafai ne tatou o kave ki te Atua?

E fakaaoga pefea ne te Atua?

Ne a mealofa a te Atua e aumai mo tatou?

Talo:

kona mo latou fou kola fatoa oko atu ki kona; kae ofo ei foki olotou taulaga ki olotou atua i koga katoa e oko atu latou kiei.

Te faiga o te fakataugasoa e aofia i ei te fesuiaki o mea taulia a te sua potukau mo te sua potukau. E pena foki taulaga fai ki olotou atua, e ofo atu ne latou mea taulia i olotou olaga mo fai olotou tapuakiga ki olotou atua, mea pela mo mamoe mo nisi mea taulia aka, ke oko foki e iloa ki olotou tamaliki, e mafai fua o tamate kae ofo atu ke sunu i luga i olotou fata faitaulaga ke fai ki ei te taulaga ki olotou atua.

Mea ke fai:

Tamaliki ke fakaaoga te itulau muamua olotou tusi tapuaki o ta i ei se ata o te fata faitaulaga.

Tamaliki ke olo ki tua o faite fakatasi se lotou fata faitaulaga kae ke fakaaoga a fatu.

Lesona 2: TAPUAKIGA I TE FALE TAPUAKI AVE SAALE I MALAGA.

Pogai:

Ke iloa ne tamaliki te lafoga ne tino Isalaelu olotou koloa taulia ke faite ei te Fale Tapuaki ave sale i malaga ke fakamalosi ei a loto o tamaliki ke fiafia o teuteu te lotou Fale Tapuaki ke gali.

Tusi Faitau: Esoto 35:4-9, 21-25, 40:1-38.

Fakatokaga mo Faiakoga.

I taimi seki nofo tumau ei tino Isalaelu i se koga e tasi, kae koi ola latou i te olaga faimalaga mai te koga e tasi ki te sua koga o sala meakai, laukele ola lei, vai ma mo inu, mo mouku ke fagai ei olotou manu-e masani e iloa o ave sale ne latou te lotou fale tapuaki lagatu, tela e teuteu ne latou ki mea sili te taua e mafai o maua ne latou. tona lauefa e 15 futu i te Maluga kae fasefulu futu i te loa.

Ko faitaulaga fua e talia ke ulu ki loto i te fale tenei, ko te fale tenei ki mua e pui ki te laugatu kae fakaigoa te potu tena me e tafasili i te tapu. Tena foki te mea e tafasili i te tapu pena foki te potu tausi ei te pusa o te feagaiga tela se pusa lakau kae ufi ki aulo i loto i te pusa tena e lua a fatu pa'pa kola e tusi i ei a tulafono e sefulu kola e maua ne tatou i te Esoto 20. Ko te faitaulaga sili fua e talia o ulu ki loto i te potu tafasili i te tapu, kae e fakatasi foki eiloa te taimi i tausaga takitasi.

Ko nisi koga o te fale tapuaki tenei e fakaaoga ne nisi faitaulaga. Ka ko te waitino e tapuaki mai tua o te fale tenei mai loto o se 'pui e 'pui fakatakakai/ io fakatamilo ei te fale tapuaki. Kaati te lasi o te pui e 150 futu te loa, kae 75 futu te lauefa. Mai tua atu o te pui tenei e tu ei te fatafaitaulaga e 'sunu ei taulaga fai ki te Atua; kae i ona tafa, ke 'fano sale i ei a tino o te faitaulaga.

Mai mua o te akoga:

Teuteu faka'lei te fale tapuaki ke gali mai mua koi tuai o mai tamaliki ki te akoga.

Ta i luga i te laupapa akoga a te ata o te fale tapuaki aveave sale i malaga. I nisi pepa 'lasi ta fakalasi ata o te pusa o te feagaiga, te fatafaitaulaga mo nisi mea aka e penei mo ata konei i te tusi.

(Note: Faulu ata i te lomiga)

Akoga.

Tefea te koga e tapuaki sale i ei tatou?

A ko Apelaamo e masani o tapuaki sale i fea?

Apelaamo ko te Tamana o tino o te Atua, tino Epelu.

Kae i aso mai tua ifo ko gasolo eiloa o tokouke te kau Epelu; ko te Atua eiloa ko kalaga ne ia a Mose ke 'taki ne ia latou ki tua mai te fenua o Aikupito. Kae ke fakaakoako foki latou ne Mose ke iloa te Atua tonu tela ko te lotou Tamana i te lagi. Ne tuku ne te Atua tulafono e sefulu ki a Mose ke tau'tali ki ei ona tino, kae ne fakatonu foki ne te Atua a Mose ke faite se fale tapuaki

Lesona 1: KO FALE E LUA.

Pogai:

Ke fesoasoani ki tamaliki ke atiake olotou olaga i luga i te fakalogo ki muna a Iesu

Tusi Faitau: Mataio 7:21-27; Luka 6:46-49; Loma 7:21-25

Fakatokaga mo Faiakoga:

Te tala fakatusa o Fale e lua ne vau mai tua o te lauga i luga i te mauga.

A Iesu e fakamasaua ki tino me i te olotou fakalogo ki a ia, ko te fakalogo o latou ki te Atua. Kafai e fakalogo latou ki a ia, kae fai ana muna, te olotou olaga ka mautakitaki, kae tonu, pela loa mo te Fale ne fakatu i luga o te papa.

Lesona:

Fakamatala te tala fakatusa o Fale e lua.

Mea fai a tamaliki:

Sea te akoakoga taua ne maua mai i te tala fakatusa tenei?

Talo:

E akai atu matou te Atua ke akoako mai ne koe matou ke mafai ne matou o fai a mea kola e faktonu mai ke fai. Amene.

Lesona 2: TINOAGAFULU TAMAFINE.

Pogai:

Ke fesoasoani ki tamaliki ke matea ne latou me e tau o panaki mo latou te tiute mo mafaufauga mai mua o mea kola e mafaufau latou o fai.

Fakatokaga mo faiakoga:

I faipoipoga i Palesitina, tamafine kola e soa i te fakaipoipoga e fakatali mo te fafine fakaipoipo i te fale o te fafine ke oko loa ki te taimi tela

mo Sulia, me manuia te taua, e manumalo latou ia Sulia. Ko oko loa o te foafoa o te tupu konei e tokolua. Mua Aapo, fakatali ke kami mai a Mikaio ke vau, me tenei te pelofetai e faipati saale ki pati tonu. Ne vau a Mikaio, ne fesili atu ei a Aapo, e manuia me malaia te fakamoemoega tenei, ke fai te taua mo Sulia, e manumalo matou, me ikai? Ne tali atu a Mikaio ki pati tonu. Ana muna, sa olo, me se manuia te fakamoemoega; i te mea ne lavea ne au i taku kiloga a tino Isalaelu i luga i te mauga, e pela mo mamoe ko seai se takitaki. Ne ita a tupu konei ki a Mikaio ona ko ana pati. Kae ne taunu lei eiloa a pati a Mikaio, ne mate Aapo i te taua tenei. Moi fakalogo ki pati a Mikaio, e penei e se mate. A pati e faipati ei a Mikaio, ko pati a te Atua.

Mea ke fai ne tamaliki:

Fesili

Ko oi te tamaliki ia koutou e masani o faipati ki pati tonu?

Ko oi tamaliki e masani o faipati ki pati loi?

Ai a e faipati loi ei a nisi tino? E matakū?

Ai a e se matakū ei a Mikaio i ana pati kola ne fai ki tupu e tokolua? E se matakū, me ne pati tonu mai i te Atua.

Fakaotiga:

Talo. Te Atua, akoako mai matou, ke faipati matou ki pati tonu ki omotou matua, mo faiakoga, e Epla foki ki so se tino, i te igoa o Iesu, Amene.

VAEGA 7: KO TALA FAKTUSA A IESU

Pogai o te vaega:

Ke fesoasoani ki tamaliki ke atiake i ei se Tulaga o te fakamaoni e uiga mo olotou galuega mo te fakaaogaga o olotou taleni.

Fakatomuaga ki te vaega:

Fale e lua

Te tinogafulu tamafine

Te Taleni

Mamoe mo Kooti

atu ei a tino ki a ia mo se koga ke teu i ei a fatu pa'pa e lua kola e tusi ei a tulafono e sefulu.

Mafaufauga ke fai se Fale Tapuaki:

I te malaga i te vao ne se mafai ne te kau Epelu o fakatu se fale lasi tumau ke fai ei olotou tapuakiga. Kae mafai fua ne latou o fai se fale lasi ki laugatu tela e mafai ne latou o ave sale i olotou malaga. Te aso e tasi ne kalaga atu a Mose ki tino ke maopoopo kae fakaasi atu ne ia ki a latou ona manatu e uiga ki te fakatuga o te fale tapuaki ke mafai o ave sale i malaga. (fakaasi ki tamaliki tau ata ne ta i luga i te laupapa)

Tusaga mo te Fale Tapuaki. E tokolua tino ne filigina ke takitaki ne laua te galuega a ko tino katoa ne taumafai o fai te mea e mafai o fai ne latou ke faite ei te fale tapu. A Ligi mo taulima aulo o fafine, mo nisi o olotou fatu aka ne 'luku katoa ki loto mo fai a teuteuga o te Fale Tapuaki. Latou kola e poto i te vili o faite a laugatu ne saga o galue ke maua ei laugatu mo fai te fale; mo fai foki ne gatu gali mo olotou faitaulaga ke fakaoga i taimi o tapuakiga.

Mea ne faite mo te Fale Tapu.

Ne kati ne tagata lakau, faite ei ne latou te pusa o te feagaiga kae ufi katoa ne latou ki aulo. Faite foki ne latou ne agelu aulo e lua i luga i te pusa. E uke aka foki nisi mea fakagaligali ne faite ne latou. E isi foki se taipola mo tuku sale i ei falaoa e sefululua i aso o te Sapati mo fai te lotou taulaga fakafetai ki te Atua ona ko te tausi mai ne ia a matakaiga e sefululua o Isalaelu. E isi foki se tuga moli e fitu ona maga, te fata e fai ei taulaga mo te fata e sunu ei mea manogi, te pesini fiti tela e 'fano ei a lima o te faitaulaga ki te Atua. Kafai e onono tatou ki ata o mea konei e lavea ne tatou me e isi katoa eiloa ne olotou kau e sausau i ei mea konei manafai ko fano te lotou malaga ki se koga fou.

Te Atua i loto i te Fale Tapuaki.

I te tokaga o mea katoa ko tino katoa eiloa ko 'luku fakatasi i te aso muamua eiloa o te tausaga fou o fakatu aka ki luga i te Fale Tapu. Ne

lavea atu ne latou te gali o te lotou galuega ne fai kae ne fia'fia lasi a latou me ko mafai ne latou o tapuaki atu ki te Atua i olotou galuega pena foki mo talosaga mo taulaga fai a latou. E talitonu foki latou me nofo te Atua i kona. Mose foki e talitonu me i te taimi ne ulu atu ei a ia ki loto i te faletapu ne lagona eiloa te pili atu o te Atua ki a ia i loto i te Fale Tapuaki.

Fesili mo Tali:

A ia ne teuteu ei katoa ne tino Epelu te lotou Fale Tapu ke gali?
E pefea o teuteu ne tatou te tou Fale Tapu ke gali, io me ko tai gali atu mo te tapuakiga a tatou i te Aso Tapu ma vau?

Mea fai a Tamaliki:

Ta te ata o te Fale Tapuaki aveave sale i malaga ki loto i tusi tapuaki a tamaliki.

Lesona 3: TAPUAKIGA KI TE ATUA I FALE TAPU.

Pogai:

Ke iloa ne tamaliki me i te Atua e nofo sose koga kae e mafai foki o tapuaki atu ki ei i sose taimi. Kae se feitu taua kii eiloa ke isi eiloa se taimi mo se koga e fakaavanoa mo fai ei a tapuakiga.

Tusi Faitau: 2 Nofoaiga Tupu 5:2-14, 6:1-3, 18-21, Salamo 24.

Fakatokaga mo Faiakoga.

Ko te tupu ko Solomona te tama a Tavita ne faite ne ia te Fale Tapu muamua eiloa o Fale Tapu e tolu kola ne fakatuu i Ielusalema.

Te ata o te Fale Tapu ne tautali eiloa Solomona i te ata o te Fale Tapu ave sale i malaga. Kae ne tai fakalasi aka ne ia fakalua taimi.

Ne fakatu te Fale Tapu tenei i te 1000 tausaga mai tua o Apelaamo, kae 1000 tausaga mai mua o Keliso. Kae talitonu tino Epelu me i te koga tena ne fakatu ei te Fale Tapu ko te koga tonu eiloa tela ne ofo atu ei ne Apelaamo tena taulaga ki te Atua.

Ke oko mai ki taimi o Tavita, a te pusa o te Feagaiga ne tausi faeloa fakalei ne latou tela saga atu ei Tavita o puke mai ke aumai ki Ielusalema.

Lesona 5: MIKAIIO NE FAIPATI KI TE PATI TONU

Pogai o te vaega:

Ke fesoasoani ki tamaliki ke ahipati ki pati tonu i taimi katoa, tiga eiloa me fetau latou mo faigata, ke taumafai eiloa o faipati ki pati tonu.

Tusi Faitau: Efeso 4:22-25; 1Tupu 22:1-23, 26-29,34-37.

Fakatokaga mo faiakoga:

Faitau fakalei koutou faiakoga ki tala kola i Tusi Faitau.

Ka iloa ei ne koutou a Aapo ko te tupu o Isalaelu, ako Iosefatu ko te tupu o Iuta. Aapo e uke ana mea se lei e fai sale. A Elia mo Mikaio e faipati tonu faeloa ki a ia e uiga ki ana mea 'se ne fai.

A te koga laukele Lamota Kiliata, e o tino Isalaelu kae fakaaogagina ne tino o Sulia, tena la te mea e faitaua ei a malo kona e lua. Ka iloa ne koutou te tala katoa mafai e faitau koutou ki te tala tena i te Tusi Faitau.

Lesona.

Tala

faopopo:

A te tala tenei ko te tala ki a Teoti Uasigitoni, te takitaki takutakua o Amelika i aso ko teka. A te tamana o Teoti ne toki ne ia a lakau aoga i tafa o te lotou fale. I te isi aso ne lavea ne te Tamana ana lakau ko oti ne katikati ki lalo. Ko oko loa i te ita o te tamana, ana muna, ko oi te tino ne katikati ne ia aku lakau? A Teoti ne tai matakua malie, kae tali atu penei; "Toku tamana, au e se mafai o faipati loi atu ki a koe, au e faipati tonu atu, ko au ne katikati ne au, ona ko to vela tou fale i lakau. Ko oko loa i te fiasia o te Tamana ki tena tama, i te mea e faipati tonu.

Ko te tala ki a Mikaio; I te taimi ne manatu ei Aapo ke siki te taua ki a Sulia ke maua mai te koga laukele o Lamota Kiliata, ne ave tena fekau ki a Iosefatu te tupu o Iuta, ke fakatoka ke olo laua tokolua o fai a la aofaga ki te taua. Ne kami ei ne laua a pelofeta o Isalaelu, ke fesili ki ei me se a te lotou iloa, e manuia io me malaia te fakamoe-moega tenei. Ne tali katoa atu a pelofeta, ke fakatoka o olo o taua

Tusi faitau: 2 Samuelu 4:4; 9:1-13

Fakatokaga mo Faiakoga:

Faitau ke maina i te tala o te tamaliki a Ionatana e pili ona vae, e igoa ki a Mefiposeta. Ko te mea ke mafai ne koutou o fakamatala ki tamaliki i olotou muna e iloa e aunoa mo te kilo ki te Tusi Tapu.

Ke iloa ne koutou te tulaga fakaalofa e iai a tino pili. E se mafai o sasale pela mo tatou.

Lesona.

Tala o Mefiposeta:

Tenei te tala toetoe o Mefiposeta, a Mefiposeta, ko te tamaliki tagata a Ionatana, te taugaso fakapelepele o Tavita, a ia ko te mokopuna o Saulo te tupu o Isalaelu. I te taimi ne mate ei a Saulo mo Ionatana i te taua, ko oko e iloa i te mataku o tino i kaiga o Saulo. A ko Mefiposeta, ko lima fua tausaga o tena olaga. I te taimi ne oko atu ei te tala mai Ieseleelu, i a Saulo mo Ionatana ko mate. Ne puke aka fakavave a Mefiposeta ne te fafine tela e tau-si sale ne ia a ia. Te mea e iloa ko tele fakavave tena ne to ei a Mefiposeta I ana lima tena pakia ei tena vae, pili ei a ia. E uke a tausaga ne tausi ei a Mefiposeta ne Makila te tama tagata Amielu.

I te aso e tasi, ne sala ei ne Tavita me isi ne tino o Ionatana koi ola, ne iloa aka ne ia, me ko Mefiposeta te tamaliki a Ionatana koi toe, kae pili ona vae. Ne olo a tino o aumai ki a Tavita. I kona ne fakaasi ei ne Tavita tena alofa ki a Mefiposeta te tamaliki a Ionatana, ne kai fakatasi laua i te taipola a te tupu ko Tavita, ne fakaasi ne Mefiposeta tena fakafetai lasi ki te alofa o Tavita ki a ia, a ko ia se kuli mate fua. E tena te lotou o te Atua, ko tatou ke alofa ki tino pili mo tino puapuagatia.

Mea fai a Tamaliki:

Faka-koniseti te tala o Tavita mo Mefiposeta ne tamaliki.

Fakaotiga.

Talo- Te Atua, fesoasoani mai ki a matou, ke mafai ne matou o fakaasi atu omotou alofa ki tino pili mo tino puapuagatia, e pela mo tou lotou. Amene.

Ko Tavita ne lasi tena fakatokaga o kopekopega o te Fale Tapu ke toka. Ka ko Solomona e iloa te tama a Tavita ne kamata i ei te galuega o te fakatuuga o te Fale Tapu o te Atua i Ielusalema.

I taimi o Tavita mo Solomona, se fakatau mai e iloa te maumea o Isalaelu i feitu tau ki tupe, tela la ne mafai katoa e iloa o togi mai a mea valevale taua mo faite te Fale Tapu.

Kae e pela mo te Fale Tapuaki ave sale i malaga, tenei foki e iloa te koga e mafai ei o mai a tino o tapuaki kae ofo olotou taulaga ki ei.

Akoga.

1: Kamata ki fesili konei:

a. Tefea te koga e olo ei tatou o tapuaki ki te Atua?

e. E mafai o tapuaki tatou ki te Atua i sose koga?

i. E pefea o tavae ne Apelaamo te Atua?

o. Ne pefea o tapuaki a tino i Isalaelu ki te Atua? (i lotou i te fale tapuaki ave sale i malaga, talo kae ofo olotou taulaga i taimi koi ololou malaga sale ei latou. Kae i te taimi tela ka nofo tumai ei i Ielusalema ko te mea e iloa ko faite olotou fale tumau. Pena foki mo te lotou Fale Tapu.)

2. Fakamatala mea konei:

a. Ko mafauauga o Tavita ke fakatu te Fale Tapu:

Taimi ne tupu ei a Tavita ne fili ne ia a Ielusalema mo fai tena laumua. Ne tiaki ne ia te Fale Tapuaki ave sale i malaga i se isi koga kae na fua ko te pusa o te feagaiga ne aumai ne ia ki Ielusalema.

e. Tavita tela se tagata alofa kae matakū ki te Atua ko manako ke faite ne ia se Fale Tapu mo tapuakiga fai a tona fenua ko Isalaelu ki te Atua.

i. E manako a ia ko te fale ke lasi kae sili atu i te gali i fale katoa i Ielusalema. Tela togi ei ne ia se kogakoga lasi i luga o se mauga ke fakatu i ei te Fale Tapu.

o. E talitonu tino me i te koga tena ko te koga tela ne ofo i ei ne Apelaamo a Isaako tena tama mo fai tena taulaga ki te Atua.

u. Ne leva te taimi ne fai ei te galuega ke fakalaugatasi ei te taulu o mauga ke fakatu i ei te Fale Tapu.

f. Kae i te taimi foki e iloa tenei a ko galue a Tavita ko te luku mai a tupe, aulo mo siliva, mo mea valevale e manakogina mo faite te Fale Tapu.

g. Ka ko Solomona e iloa tena tama ne kamata ei te galuega o te fakatuga o te Fale Tapu.

3. Ko faite ne Solomona te Fale Tapu.

Ne kami mai ne Solomona a tino poto mai fenua valevale ke mai o faite te Fale Tapu. Ka ko tino fakasolosolo mai i te Fale Tapu mai olotou fakai. Ne kati ne latou a fatu lasi mai mauga kae fakanapa katoa fatu kona ko te mea ke iloa te fatu e tau o fakapiki ki te sua fatu. Ka ko lakau ne togi mai mai nisi fenua.

I te taimi ne oti ei te galuega, te Fale Tapu tenei ko lasi kae seai e iloa se kese tona vaevaega mo te Fale Tapu aveave sale i malaga. E isi se potu tafasili i te tapu, tela e tausī i ei te Pusa o te Feagaiga, te koga e tu ei te fata faitaulaga e sunu ei mea manogi gali, ka ko mea katoa e faite ki aulo mo mea gali katoa.

4. Te Fakatapuga o te Fale Tapu.

I te otiga o te Fale Tapu, tino katoa ko fiafia. Kae ne o mai katoa e iloa o fiafia fakatasi i se vaiaso e tasi kamata mai i te aso tela ko gata i ei te taukai i te fitu o masina o te tausaga.

gali.

f.4: Ko fakapotopoto a tino Isalaelu i aso takitasi o talo ki te Atua, ke tuku mai ne olotou meakai.

f.10: a te malu o te Alikī ko fakaasi mai i te kaumana, ko te fakailoga i te Atua ko fakatasi mo latou,

Lesona.

Tenei te tala toetoe o Isalaelu, i te taimi ne omai ei keatea mo Aikupito. Ko katoa te fia olotou aso i te vao, a tino ko tai mate i te fia kai mo te fia inu. Ko ita latou ki a Mose, me aumai o a keatea latou mai i Aikupito, e sili e iloa moī nofo latou i Aikupito, e kai makona latou. Kae ne aumai fua latou ke mate i te vao i te fia kai mo te fia inu. Te fesili a Mose ki te Atua, tena ne tuku mai ei ne te Atua te manai ke kai ei latou, kae kini ne Mose te kupapa ki tena tokotoko, kae tafe mai i ei a te vai. Ne kai makona, inu foki ko makona, kae se gata e iloa te lotou muimui ki a Mose mo Alona. Ko oko loa i te puapuagatia o Mose ona ko te muimui o te fenua o Isalaelu, kae fai e iloa tena tiute kalagagina ei a ia ne te Atua, ke takitaki ne ia Isalaelu ki Kanana te fenua o te folafolaga.

Mea fai a Tamaliki.

Fesili

Kooi ne aumai ne ia keatea Isalaelu mai Aikupito?

Nea meakai ne tuku atu ne te Atua ke kai ei latou?

Ne maua pefea te vai tela ne inu ei a latou?

Fakaotiga.

Talo: te Atua, tuku mai mo te Aso nei. Amene.

Lesona 4: TE ALOFA O TAVITA.

Pogai o te vaega.

A Tavita ne alofa ki tamaliki pili a Ionatana, fesoasoani ki tamaliki ke alofa latou ki tino penei.

manu, kae se kake la koe ia koe e matua, i au nei la e se maua o kake. Tela ne kake ei a Limanu, oko a ia ki te taulu o te niu, ne puke ne ia te pi, kati ki ona nifo, oti i ei, inu ne ia te sua o te pi, kai te gaati, kae pei ifo a fagogo ki a Ligi. Ko oko eiloa i te ma o Ligi i te mea ko oti ne fai ne tena taina ki a ia. Ne sasale atu a ia ki mua, lavea ei ne ia te ana lasi, i te kaupapa, ko ia eiloa ko ulu ki loto, galo atu eiloa se toe foki mai. Ne fano ifo ki lalo a Limanu, ne pakalaga ki a Ligi, a ko se maua eiloa ne ia. ko oko eiloa i te tagi kae fanoanoa ona ko tena mea ne fai ki tena taina.

Mea fai ne tamaliki:

Fesili

Se a te mea se lei a Ligi ne fai ki Limanu? Ko manatu fapito ki a ia eiloa, a ko se alofa ki tena taina foliki.

Se a te mea ne se iloa ei te se manatu fapito o Apelaamo kia ia eiloa? Ne tu-ku muamua ne ia ke filifili ne Lota te koga e fia fano a ia ki ei.

Fakaotiga

Kafai e mafai o usu se pese, onoono ki se pese e iloa fakatasi ne tamaliki.

Talo

Te Atua, akoako mai matou ke mo a e manatu ifo matou ki te motou lei, a ke alofa matou ki omotou taina. Amene.

Lesona 3: A MOSE NE PUAPUAGATIA KAE AUNOA MO SE FAITIO.

Pogai o te vaega.

Ke iloa ne tamaliki i a Mose ne tumau tena fakatuanaki ki te Atua, e ui eiloa i muimuiga mo te se fakatuanaki o tino Isalaelu, kae se saga a ia ki ei.

Tusi Faitau: Esoto 16:1-15; 17; Numela 12:3.

Fakatokaga mo Faiakoga.

Esoto 16: 3.

A tino Isalaelu, ko masaua ne latou te gali o Aikupito mo ana mea kai

A faitaulaga ne solo mo olotou gatu gali kae sau mai ne latou te pusa o te Feagaiga ki loto i te Fale Tapu mo nisi mea katoa mai te Fale Tapuaki ave sale i malaga kae usuusu olotou pese pela mo te Salamo napa 24. Fakasao ki te Salamo napa 18.

Ne lasi te tata kitala mo mea fakatagitagi valevale. Ne lagona ne tino katoa te kau fakatasi atu o te Atua ki a latou i kona tela ne totuli ifo ei latou katoa ki lalo o tapuaki ki te Atua.

Ne sale ake te tupu ki luga i se tulaga tai maluga ko te mea eiloa ko totuli ifo ki lalo kae talo ne ia se talo tafasili i te tonu mo te gali. Kae i aso katoa eiloa o te vaiaso tenei ne fai ei a fakafiafiaga ne mafuta fakatasi katoa eiloa a tino o ofo atu olotou taulaga ki te Atua kae fakasala. Toe foki ei ki olotou fakai tumau.

Fesili ke mafaufau ki ei tamaliki.

I te taimi tenei ko tu ei te Fale Tapu e fakatolu fua a taimi i te tausaga e fakatasi mai ei a tino katoa ki te Fale Tapu o tapuaki ki te Atua.

A ko tatou e fakafia taimi i te tausaga e luku fakatasi ei tatou o tapuaki i o'tou Fale Tapu? Kaati e tai fakauke atu aua o'tou tino mo fakai mo fenua e foliki tela la, a tino katoa e nofo pili faeloa ki te Fale Tapu.

Sea te otou fakatau, e lei io me masei te maopoopo soko o tapuaki fakatasi ki te Atua? A ia? Te maopoopo fakatasi o tapuaki ki te Atua e fakamasaua mai ei ki a tatou me aofia tasi katoa tatou i loto i te kaiga o te Atua.

E pefea o vikia ne tatou te Atua? Ki o'tou lima, o'tou vae, o'tou leo, mafai foki e teuteu ne tatou tona Fale Tapu.

Mea ke fai:

Ta se ata o se mea e Masaua ne koe i loto i te Fale Tapu i te itulau e 3 o tau Tusi Tapuaki.

Lesona 4: TAPUAKIGA I LOTO I TE SUNAKO

Pogai:

Ke iloa ne tamaliki i a Iesu ne tapuaki faeloa i tapuakiga fai i te Sunako kae ke fakaakoako ki ei.

Tusi Faitau: Luka 4:16-22, Teutelenome 6:4-9

Fuaiupu Fakamanatu: Teutelenome 6: 4,5

Fakatokaga mo Faiakoga:

I te foki maiga mai te tafeaga, ko te mea e iloa ko malosia te fai o tapuakiga i Sunako - ne fale e lukuluku ei latou o fai olotou akoga mo tapuakiga. E masani o isi ne Sunako i so se koga e tu tasi ei mo fale o kaiga me sefulu io me Silia atu. Tela la i taimi ko se olo ei ki Ielusalema o fai taulaga i te Fale Tapu lasi, ko tapuaki fua latou i olotou Sunako.

E masani o faite Sunako i koga maluga kae ke fakafeagai tonu ki Ielusalema. Kae i loto, e isi se koga laugatasi tela e fakamaluga mai te fola kae e fakatu i ei se taipola faitau foliki mo te pokesi tela e moe ei a tusitusiga tapu (Feagaiga Mua). I aso katoa e isi se iloa se moli e ka i mua o te taipola foliki tenei.

Mai mua o te koga fakamaluga tenei ko nofoaga o toea mo takitaki o te fakai. Ko tagata mo fafine e nofo fakafesagai mai ki loto mai faitau e lua o te Sunako. Ko te pule e nofo i luga i te koga fakamaluga i taimi e fai ei a tapuakiga. Mai kona, ko fili mai ei ne ia a tino ke faitau ne latou a tusi filifilia ke faitaugina mai te tusitusiga tapu.

Mai mua o te lesona:

Mo te lesona tenei e lua mea e mafai o fai ne koe:

Ko te tala ne koe o te tala o tapuakiga fai i loto i te Sunako

Ke fakatoka ne koe se lotu pela mo lotu o te sunako. Kafai e fai ne koe te lotu, ko fakavasega ei ne koe a fale akoga pela mo te Sunako.

Talo: Te Atua, fakasao mai matou i mea fuifai o te olaga. Amene.

Lesona 2: APELAAMO SEKI MANATU IFO KI A IA EILOA.

Pogai o te vaega:

Apelaamo ne fakamanuia ne te Atua, me ne seki manatu fapito ifo ki a ia e iloa.

Tusi Faitau: Kenese 13:1-8

Fakatokaga mo Faiakoga.

Faitau fakalei ki te tusi faitau, ke iloa ne koutou faiakoga te tala o Apelaamo mo Lota.

Apelaamo ne tuku ne ia ki a Lota ke filifili muamua ne ia te koga e fano a ia kiei, kafai e fano a Lota ki te faitu ki matu, a ko ia ko fano ki te faitu ki Saute.

Taunafai ke maua se ata e fakamatala ei ne koe a Apelaamo mo Lota.

Lesona.

E penei te tala o Apelaamo mo Lota, a laua ne olo fakatasi e iloa mai Kana o olo ki Kanana, kae ona ko te tokouke o la tavini tausimanu, tela ne mataka ei Apelaamo i a laua ma nofo fakatasi mo Lota i te mea ma taua ei a la tavini tausimanu. Mafai ko se lava te laukele e tausimanu ei a la manu. Tena ne fai atu a Apelaamo ki a Lota, ke filifili kae kilokilo me tefea te faitu e fano a ia ki ei, kafai e fano a ia ki sua faitu, a ko ia ka fano ki sua faitu. Tena la ne filifili ei ne Lota ko te koga laukele o Sotoma mo Komolo ke fano a ia ki ei. A ko Apelaamo ne fano ki sua faitu. E iloa mai ei i te se manatu fapito o Apelaamo ki a ia e iloa kae ne manatu ki sua tino mo tena lei. A te mea tena, ko te loto o te Atua.

Tala faopopo: e isi se tuataina ko Ligi mo Limanu, a laua konei ne tagata kae ola ake i loto i se kaiga e tasi, o la matua ko mate katoa. I te aso e tasi ne olo laua mo la sana manu ki te vao, ko oko loa laua i te fia inu, ne oko atu laua ki te niu, ko oko loa i te fua. Ne fai atu a Ligi te tamaliki matua ki a Limanu, kake o tii ifo ne ta pi. Muna a Li-

te fakamoemoega maluga ke sukesuke malosia koutou ki tala o latou konei i loto i te Tusi Tapu.

Lesona 1: NOA NE FAKALOGO KI TE ATUA.

Pogai o te vaega.

Fakaasi ki tamaliki i a Noa ne talitonu ki te Atua, tela ne fakasao ei a ia mo tena kaiga ne te Atua.

Tusi Faitau: Kenese. 6:11-22; 7:11-24; 8:1-14, 20; 9:6-13

Fakatokaga mo Faiakoga.

Ko iloa ne koutou faiakoga, ia Iesu ne faipati e uiga ki te lolo i te Feagaiga Fou e pela foki nisi tusi tala o te Feagaiga Fou. Ne fakaaoga ne latou a te tala tenei, ke iloa ne tino te tulaga o te fakamasinoga mo te fakaolagata a te Atua.

A Noa ko te tino amiotonu mai te lalolagi agasala i aso kola. Ne talitonu a ia ki te Atua, tena ne fakasao ei a ia ne te Atua fakatasi mo tena kaiga.

Ke malamalama fakalei koutou faiakoga i te tala o Noa, ko te mea ke faigofie i a koe o fakamatala ki tamaliki.

Lesona.

Fakamatala te tala o Noa, kamata mai i te fakatonuga a te Atua ke taa te vaka, ke oko ki te taimi ne poko ei te lolo, mo te taimi ne kasa ei vaka, mo te taimi ne omai ei ki tua mo te vaka kae fai te taulaga ki te Atua.

Ka mafai ne koutou faiakoga o tuku atu ki tamaliki ke fai ne latou te tala o Noa ki olootu muna e iloa, tusa mo te mea ko iloa ne latou.

Mea fai a tamaliki.

Fai ne fesili ki tamaliki:

- (a). E tokofia ne sao i te lolo?
= tokovalu
- (e). Sea te lakau ne fou ei te vaka o Noa?
= ko te Kofa

Fakaotiga

Usu se pese e fiafia tamaliki o usu

Lesona:

I taimi koi tamaliki ei Iesu i Nasaleta e olo faeloa a ia mo ana matua o tapuaki i te Sunako i te Sapati. Te tapuakiga e fai i te gana Epelu, a ko tamaliki katoa kamata mai i te ono tausaga e tauloto katoa ne latou te gana Epelu, aua e kese mo te gana masani e fakaaoga ne latou i tua o te Sunako.

Te tapuakiga i te Sunako.

Kamataga: E masani o faitau mai ne te takitaki se fuaiupu gali mai te Tusi Tapu pela mo fuaiupu o Salamo: 23: 1. “Te Aliko ko toku tausi mamoe, E seai se mea e mativa ei au.

Takitaki: Tavae atu ki te Aliko i taimi katoa

Kaulotu: Tavae atu ki te Aliko ke oko e iloa ki te se gata mai.

Takitaki: Ke vikia koe te Aliko, te Tupu o te atupaipai, tela ne faite ne koe a te mainaga mo te pouliga, kae fakatupu te filemu kae ne faite ne ia a mea katoa; tela a tona alofa e fakamaina ei te lalolagi katoa mo tino katoa i ei, kae i tona alofa lei katoatoa i aso takitasi kae fakatumau kae fakafou ei ne ia a mea katoa ne fai. Vikia koe te Aliko te motou Atua ona ko te gali o au mea katoa ne faite.

Kaulotu: Ka tauloto fakatasi ne latou a te Teutelenome 6:4-9. (Ke faitau fakatasi te vaega).

Takitaki: (Talo); Ko fakafetai atu matou ki a koe te motou Atua tela ko te Atua foki omotou tupuga. Te Atua o tino katoa, ke oko mai ki a matou, mea katoa ne faite mai te kamataga e iloa. Vikiga mo fakafetai e ‘tau ke siki atu ki tou igoa, me fakatumau ne koe te lei mo te ola i loto ia matou; kae ke fakatumau mai ne koe faeloa te lei mo te ola i luga ia matou katoa.

Faitauga o te tulafono:

(Kafai e gasue Takitaki o fano ki te taipola foliki o faitau a tulafono ko te kaulotu eiloa ko fai ake penei):

Kaulotu: E o koe te Aliko te malosi, te malu, te manumalo, me i mea katoa i te lagi mo te lalolagi nei e a koe ne faite. E o koe te Malo te Aliko, kae maluga foki koe i mea katoa.

Takitaki: ‘Ke vikia koe te Aliko tela ne tuku mai ne koe Tulafono’ Ko suke ei ne ia tusitusiga tapu ki te Levitiko 19:11-14, ko faitau mai ei ne ia.

Talo:

Te Aliko, fakamalosi mai matou ko malosi ei matou, fakaola mai matou, ko ola ei matou. Aua matou e ‘viki atu ki a koe. Fakakatoatoa mai ne koe matou i feitu katoa, aua koe ko te Tupu Malosi, ko te tufuga fakamaoni kae alofa, ke vikia koe te Aliko, tela e fakalei ne koe masaki.

Faitau mai Tusitusiga a Pelofeta:

(Se tokotasi mai te kaulotu ke faitau ne ia te Isaia 40:1-5)

Faitau mai Salamo:

Kaulotu katoa ke faitau mai te Salamo 100

Lauga:

Fakavae mai luga i tusi ne faitau

Fakamanuiaga:

(Fakaaoga te Numela 6:24-26)

Tela e fakaioga me ko te fakamanuiaga a Alona te taina o Mose. Ko ia foki loa e a ia pati fakamanuia kona ne fatu mai te kamataga eiloa.

I taimi koi foliki ei Iesu, se taumate te ukega o pati e se maina i ei; pena foki eiloa mo koutou. Ka ko te mea, ne se gata tona fano o tapuaki ki ei i te Sunako i vaiaso katoa. E ‘tau foki tatou o fakaakoako ki ei.

Mea ke fai:

Tauloto te Teutelenome 6:4,5.

Afeliki. Ne fakaasi ne te Atua ki a Livigisitone te galuega e fai ne ia, a te tali a te Atua ki a ia, ne auala i te isi tino tela ko Mofete.

Mea fai a tamaliki:

Fakamau te meatauloto: Salamo 121: 7-8. “A te Aliko ka pui ne ia koe mai mea faigata katoa. Ka tausi fakalei ne ia koe ke malu lei. Ka tausi ne ia koe i tou vau mo tou fano. Nei ke oko eiloa ki te se gata mai.

Lomi a pati konei ne tamaliki: **TE ALIKO AKOAKO MAI MATOU KE ILOA O TALO ATU KI A IA.**

Fakaotiga:

Kafai e mafai o usu se pese, ko onono ei ki se pese e iloa fakatasi ne tamaliki.

Fakaoti ei ki te talo tenei, io me ko se talo e fai ne te faiakoga: Te Atua, akoako mai ke iloa ne matou o talo atu ki a koe. Fesoasoani mai ki a matou mafai ko fepaki matou mo fakalavelave, Amene.

Vaega 6: TAGATA O TE FEAGAIGA MUA NE SASALE I AUALA O TE ATUA.

Pogai o te vaega:

Ke iloa ne tamaliki i toa o te Feagaiga Mua ne fai ne latou te loto o te Atua, ke pena foki koutou tamaliki.

Lesona I loto i te vaega:

Noa ne fakalogo ki te Atua

Apelaamo e seki manatu ifo ki a ia eiloa.

Mose ne puapuagatia e aunoa mo se faitio

Te alofa o Tavita

Mikaio e faipati ki te pati tonu

Kona a lesona o te vaega tenei, ka akoako ne koutou faiakoga ki tamaliki i te vaega tenei o te tausaga, ne tala masani mai loto i te Tusi Tapu, a ko

Pogai o te vaega:

Ke iloa ne tamaliki i a Iesu ne faipati ki te Atua i te talo, kae ne maua ne ia te takitakiga mai te Atua.

Tusi Faitau: Mataio 1:35-38; Luka 6:12-13; Mataio 14:23

Fakatokaga mo Faiakoga:

Fakamaina fakalei ne koutou faiakoga ki tamaliki, i te pogai tonu e iloa o te lesona tenei, ke iloa ne tamaliki te taua o te talo i te olaga o Iesu. Kae ke pena foki o taua te talo i olotou olaga. Se na ko te akai ke maua ne mea, io ke fesoasoani mai, a ko te uiga tonu, ke fai te loto o te Atua i tou olaga. Ke masaua foki a tali e lua a te Atua ki so se talo, ko te Ao me ko te Ikai.

Ke maua se ata o Iesu e fai tena talo, ke fakaasi ne koe ki tamaliki.

Lesona:

A koutou tamaliki e manako o faipati ki otou tamana ki mea e manako ei koutou. E pena foki Iesu. A Iesu ne faipati ki te Atua tena Tamana. A tena Tamana ne fakaasi ki a ia a mea ke fai ne ia. Ne iloa ne Iesu i te Atua e alofa ki a ia, kae fiafia foki a ia o faipati ki te Atua i te talo. E masani saale a ia o talo i vaveao mo po, mo so se taimi o te ao. E uke a tala i loto i te Tusi Tapu ne talo ei a Iesu ki te Atua mo se fesoasoani, kae ne tali mai ki ei te Atua.

Tala faopopo: A te tala tenei, ko te tala ki te misionale takutakua i Afelika. Tela ko Tavita Livigisitone, ne kamata o galue a ko sefulu tausaga o tena olaga. E se mafai e iloa o gata tena akoga. Ne akoga a ia i akoga a te pope, kae ne faitau ne ia a tusi e uke. I te katoaga o tena sefulu ono tausaga, ne faitau ne ia te tusi o te misionale e tokotasi i Saina. Ne manako a ia ke fai a ia mo misionale a Keliso. Ne taumafai malosi a ia ke maua tena pepa maluga ko te tokita. Ne faitau a ia i tala o Saina mo nisi kogakoga o te lalolagi. Ne talo a ia ki te Atua mo mea ka fai ne ia i te taimi mai mua. A ko mafaufau a ia ki mea konei, ko te mea e iloa ko fetau laua mo te misionale e tokotasi, ko Lopati Mofete. Ne fakaasi ne Mofete ki a ia te mape o Afelika, kae fai atu a Mofete ki a ia, e seai e iloa se misionale koi toe fano ki Afelika. Tena ne fakatoka ei a Livigisitone o fano ki Afelika o galue i ei. Ko ia e iloa te misionale muamua ki

Tusi Teutelenome 6:4,5 ki pepa kae fakapiki ne lakau pelu ki mata e lua o te pepa mo fai tusi pelu a tamaliki ke fai'tau saale mai ei.

Te 'Kaiga ate Alik:

Tenei te lotu (Sauniga Tapu) tafasili i te taua i te fakatuanakiga o Kelisiano tela ne kamata o fai i te fale o Maleko te tama a Malia i Ielusalema. (Luka 22: 14-19)

Tino Iutaia e masani o tapuaki i Fale Tapu, Sunako, i olotou fale, i luga i tuafale o latou, me i olotou tuafale e pa'pa (Galuega 10:9) e fakaasi mai ei me ne fai foki ne Petelu pena, e tapuaki foki fakatasi latou mo olotou kaiga, io me i malumaluga o lakau.

Leva 'ki e iloa te taimi ne tapuaki saale ei latou pena, kae fakamuli ifo e iloa o se 100 tausaga ne 'teka fatoa mafai ei ne Kelisiano o faka'tu ne Fale Tapu tai lasi ke fai ei olotou tapuakiga.

Tela la, te 'kaiga a te Alik ne kamata mai e iloa o fai saale i loto i fale tai lasi o Kelisiano i koga vavevale.

Te sua igoa o te 'kaiga tenei ko te **EUKALISI** tela tona uiga "Sikiga o te Fakafetai" tela e fakafetai atu ei tatou ki te Alik ona ko te Toetu manumalo o Iesu mai te mate tela ko iloa tonu ei ne tatou me fakatasi faeloa a ia mo tatou i taimi katoa e uina e iloa e se lavea ne tatou a ia ki o'tou mata.

Te Agaaga Tapu:

Mai tua ifo o te fanakega a Iesu ki te lagi ne foki a soko ki te fale o Maleko tela ne 'kai fakamavae ei latou mo Iesu. Ne faitali latou i kona kae fai talosaga ke oko ifo te Agaaga Tapu ki luga ia latou katoa.

Se taumate ne manatu 'mafa a latou ki te mea tenei aua e iloa lei ne latou me i aso taumua te Agaaga Tapu ne tuku ifo fua ki tino tautaua pela mo sa Mose mo te kau pelofeta, kae nei ko tuku mai te Agaga tena ki Kelisiano katoa e iloa kola i manatu o te kau soko o Iesu, latou ne tino faataua fua.

Nofotoka o fakalogologo ki te kaufakatasi mai o te Atua:

1. Se vaega tafasili te taua tenei i loto i tapuakiga a te kau Kelisiano.

2. Niisi Kelisiano kola e fakaigoa ne latou me ne Kueka (Quankers) e lasi te fakaavanoa ne latou taimi penei i te kamataga o olotou fakatasitasiga o tapuakiga ki te Atua mo taimi avanoa foki e iloa o latou i olotou kaiga e mafau'fau ei latou ki te alofa mo te isi o te Atua fakatasi mo tatou i taimi katoa, pela foki mo tona toto tela e fakaasi mai ke fai ne tatou a auala i tena Tusi Tapu.

3. Kafai ko lasi te masani o tatou o fai penei i tapuakiga fai a tatou ka iloa ei ne tatou me i tapuakiga fai ki te Atua e se taulia malosi i ei pati uke ke fai, me mafai fua tatou o nofo o toka kae mafaufau ki te Fakatasi mai o te Atua ki a tatou e auala i a Iesu Keliso pela mo te mea ne fai ne Malia te taina o Makatala.

4. Te fakamatalaga a te tino e tokotasi i Falani ki te vaega o Tapuakiga tenei e penei: “ Ko au ko kilo ki te Atua Amiotonu, kae kilo ifo foki a ia ki au.

Mea ke fai:

Fakafonu te lima o Itulau i tau tusi Tapuaki.

Lesona 5: SEA A TE MEA E OLO EI TATOU KI LOTU

Pogai

Ke maua ne tamaliki te Agaga Tonu o te kau fakatasi o tapuaki ki te Atua i loto i tena Ekalesia.

Tusi Faitau: Salamo 51; 95,122, Luka 17:11-19

Fakatokaga mo Faiakoga:

Te lasiga o mea i te lesona tenei e tuku e iloa ke sukesuke ki ei te faiakoga. pela mo te uiga io me ko te aoga o tapuakiga fai i loto i tau Ekalesia, kae mafaufau foki ki vaega kesekese o te tapuakiga masani e fai i loto i te Fale Tapu, pela foki mo nisi faifaiga aka e uke e masani o fai i loto i tau Ekalesia.

Ke takitaki foki ne koe mafaufauga o tamaliki ke iloa ne latou mea lei ne fai ne te Atua mo latou katoa.

Lesona

Tusi Faitau: Iosua: 1: 1-9

Fakatokaga mo Faiakoga:

Ke maina fakalei koutou faiakoga i tala o Iosua tela i te tusi faitau.

Ke mafaufau foki koutou faiakoga ki tala Tusi Tapu kola ne faipati ei a tino ki te Atua e alatu i te talo.

Ke maua se ata o Iosua mo Mose ke fai ei tau akoakoga ki tamaliki

Lesona:

Fakamatala fakalei a te tala o Iosua:

A Iosua ne tofi ne te Atua ke sui i a Mose i te takitakiga o te fanauga a Isalaelu. A Iosua ne 'mafa i tena mafaufau te tofiga ko tuku atu ki a ia. Tena ne faipati mai ei te Atua ki a ia, ke sa matakua i te galuega ko tuku atu ki a ia; i a ia te Atua e fakatasi faeloa mo ia i taimi katoa.

2. Ko auala e faipati mai ei te Atua ki a tatou i aso nei: E uke auala e faipati mai ei te Atua ki a tatou, te auala muamua ko te Tusi Tapu, i te Tusi Tapu ko te muna a te Atua. Te isi auala, ko muna o pese. Te sua auala ko te faipati mai kae lagona ne tatou i tou loto te musumusuga o tena Agaga Tapu. E pela mo tena faipatiga kia Samuelu. Kae ftoa lagona ne tatou ma fai e fakalogo fakalei tatou ki a ia. E pela mo Samuelu, faipati mai te Aliko, tenei au e fakalogologo atu ki a koe.

Mea ke fai ne tamaliki:

Fakamau te mea tauloto tela i te Salamo 121:5-6

Lomi ne latou a muna konei; FAIPATI MAI TE ALIKI, TENEU AU E FAKALOGOLOGO ATU.

Fakaotiga:

Talo: Te Atua, faipati mai tenei au tau tavini e fakalogologo atu.

Lesona 4: IESU KO 'TALO.

A te Atua e tali mai ki otou talo mafai e talo atu tatou mo te fakatuanaki. Muna a Iesu, talo ki te Atua i mea kola e manako ei tatou, me ka tali mai a ia ki a tatou i 'tou 'talo.

Tala faopoopo:

E isi se tagata e igoa ki a Peni i aso taua taluai, ne fakatuanaki a ia ki te Atua i taimi o te fakalavelave. A ia e galue fakauaelesii i te malo o Ausetalia. Ne puke a ia ne te kau Tiapani. E tokouke latou ne puke ne Tiapani. I te aso e tasi, ne 'sai olotou lima ki olotou tua, kae ne talo a Peni ki te Atua mo se fesoasoani, e poi e iloa i lopu kola ne saisai ei latou, ko motu. Ko latou e iloa ko saoloto. Ne toe maua latou ne Tiapani, ne fai ei te ikuga mo Peni penei, ka kati te ua o Peni ki te pelu. i te taimi ka fai ei te ikuga, ne talo a Peni ke fesoasoani mai te Atua ki a ia. Ne faipati atu ei penei a Peni ki te sotia Tiapani penei, "Kafai toku Atua e se manako ko au ke mate, e se mafai e iloa ne koe o tamate au". Ne tali te Atua ki te talo a Peni, i te taimi e iloa ko fanatu ei te sotia Tiapani o kati te ua o Peni, e poi e iloa i te pelu ko to i ona lima. Toe puke aka tena pelu, toe fanatu o kati te ua o Peni, kae poi e iloa ko to foki te pelu i ona lima. Fai fai pena, ko te sotia e iloa ko pei tena pelu, kae fai atu ki a Peni ke fano. Tena sao mai e iloa a Peni mai i fakalavelave ne oko ki a ia, ona me ne tali te Atua ki tena talo.

Mea fai ne tamaliki

Fakamau te fuaiupu tauloto Salamo 121: 3, 4. "Ka se tuku ne ia koe ke siga;

I tou tausi e mataalaala faeloa. A te leoleo o Isalaelu E se ti moe."

Fakakoniseti te tala o Peni ne tamaliki.

Fakaotiga

Talo - Te Atua fesoasoani mai ki a matou i taimi o fakalavelave takitokotasi.

E talo atu matou e alatu i te igoa o Iesu. Amene.

Lesona 3: TE ATUA NE FAIPATI MO IOSUA.

Pogai:

Ke iloa ne tamaliki, i te Talo, ko auala e lua kola e faipati ei tatou mo te Atua.

Fesili atu penei ki tamaliki, "Ai a e tapuaki ei a tatou ki te Atua?" Fakalogo kae fesoasoani ki olotou tali.

Fai ke faitau ne latou te Luka 17: 11-19. Fesili kiei me koai tela ne fakafetai kia Iesu mai loto i te faitau. Fesili atu foki ki tamaliki me nea a mea e tau o fakafetai atu ei latou ki a Iesu, aua te fakafetai se vaega e tasi o te tapuakiga.

Fai ki tamaliki ke kamata mai te kamataga o olotou Tusi Tapuaki o lau mai ei mea kola ko oti ne sukesuke latou ki ei kae ne fakamau ki lalo i olotou tusi e uiga ki tapuakiga fai ki te Atua.

Tala

I se monasituli e tasi, a faifeau i ei e masani loa o tapuaki fakatasi kae usu ne latou vikiga mo tavaega o te Atua pela mo te Luka 1:46-55. Kae i te aso e tasi ne ulu mai te tagata e tokotasi ki loto o te monasituli tela a tona lei se fakatau e iloa i te gali mafai e usu i pese.

Ne 'ma latou mafai e toe usu fakatasi mo ia tela tuku ei ne latou ke usu tokotasi ne ia olotou pese. Kae i te po e iloa tena ne vau te agelu ki a latou takitokotasi e auala i te miti kae fesilisili atu penei, "Ai a ne seai ei ne vikiga o te Atua i te aso nei? I tausaga katoa konei ne lagona faeloa ne te otou Tamana i te lagi a otou pese, kae i te aso nei ko seai e iloa sena pese ne lagona. " ko te mea e iloa ko iloa ne latou katoa me i te tapuaki ki te Atua se mea e iloa e fai ne te tino i a ia e iloa.

Te tapuakiga e 'tau o fai ne te tino i a ia e iloa:

E iloa pefea ne tatou i te Tapuakiga se mea e taua? ko Iesu e iloa me fakaaasi mai ne ia me e taua tona olaga kae fakatonu mai foki ne ia i te kamataga o te talo a te Alikii - "Ke Tapu tou igoa"

E lua mea e mafai o fai ne koe i te taimi nei. Me mafaufau fakatasi koe mo tamaliki ki vaega kesekese o mea ne fai ne koutou i te otou tapuakiga io me ke fakasolo mai otou mafaufauga mai te lesona kamata o te vaega tenei ke oko ki te fakaotiga o lesona. Fakaaoga tusi tapuaki a tamaliki ke kilokilo ki ei kae fesilisili atu koe penei.

Lesona.

Nea tulaga e fai ne koe mafai e fano koe ki te lotu i Aso Tapu takitasi? Kafai e fai te ipu e pefea te lasi o tau mea e lafo mo te lasi o tau tupe e taofi? E mata e lagona tonu e iloa ne tatou ki otou loto te taulia o mea e ofo atu ne tatou ki te Atua i otou tapuakiga?

E masani o teuteu ne tatou o'tou Fale Tapuaki ke gali? Fakaasi atu ki tamaliki me e 'tau latou o aumai ne pula lakau, kae teu te Fale Tapuaki i loto mo tua, mo nisi mea fakagaligali aka foki e mafai o maua mo te Fale Tapu ke teuteu ki ei ke gali.

E mata e faipati fua tatou pela me e mafai fua i a tatou o tapuaki atu ki te Atua i sose koga tela ko se saga malosi ei tatou o fakaavanoa se taimi io me o fakapatino se koga ke tapuaki sale atu ei tatou ki te Atua?

E mata e tusa te tou tapuakiga ki te Atua mo te vaega o tapuakiga ne masani ki ei a Iesu? Fakatusatusa te faifaiga o tapuakiga i loto i te Fale Tapu mo te tapuakiga tela e masani ei a Iesu i te Sunako.

E mata e lava te nofo toka o tatou i taimi o tapuakiga ko te mea ke lagona ei ne tatou a te kau fakatasi mai o te Atua ki a tatou, pena foki mo mea kola e fia faipati mai ei a ia ki a tatou?

Fesili ki tamaliki me e fia aso ne nofo toka ei a soko o Iesu kae fai talosaga mo te oko mai o te Agaaga Tapu. (E 10 aso mai te fanakega a Iesu ki te lagi ke oko ki te tukumaiga o te Agaaga Tapu ki luga i soko mo tino fakatuanaki katoa i Ielusalema).

Mea ke fai:

Fakafonu te itulau fakaoti o te tusi tapuaki. Ke fili ne tamaliki se pese e fia usu malosi latou ki ei kae tusi ne latou me tasi io me lua fuaiupu mai ei ki loto i te olotou tusi tapuaki.

VAEGA 4: PETELU, TE APOSITOLO A IESU.

Pogai.

Ke iloa ne tamaliki me ia Petelu i nisi taimi e se alofa ki tona matai. Kae ke fesoasoani ki tamaliki ke alofa kae tautali ki a Iesu. Ke iloa ne latou me ui e iloa e agasala latou kae lagona te loto salamo, ka maua ne latou te fakamagaloga mai te Atua.

Fakamau te mea tauloto. Salamo 121: 1, 2. "E kilo ake oku mata ki mau-ga; E a, e maua mai fea toku fesoasoani? E maua toku fesoasoani mai te Aliko, Tela ne faite ne ia te lagi mo te lalolagi.

Fakaotiga

Usu se pese tavae ki te Atua e iloa ne tamaliki.

Fakaoti ki talo tenei:

Te Atua, fakafetai me ko iloa ne matou i a koe e fiafia o fakalogo mai ki omotou talo. Akoako mai ke iloa ne matou o viki kae fakafetai atu ki a koe. Amene.

Lesona 2: TALO MO TATOU EILOA.

Pogai o te vaega.

Ke iloa ne tamaliki i te Atua e tali mai ki olotou talo i taimi o fakalavelave.

Tusi Faitau: 2 Tupu 18:17; 19:1; 14-20; 32-36; Mataio 7:7-11

Fakatokaga mo Faiakoga.

Faitau fakalei koutou faiakoga i tala e uiga ki a Esekia mo tena talo ki te Atua tela i te tusi faitau. ko te talo e uiga ki te tupu o Asulia

Faitau koutou faiakoga i akoakoga a Iesu e uiga ki te tali a te Atua ki talo kola e talo atu i te fakatuanaki e maua i tusi konei; Mataio 21:22; Ioane 14:13,14; 15:16; 16:24. E pela foki mo te akoakoga a Iakopo e uiga ki te talo mo te fakatuanaki o Iakopo 1:5-8; 4:3

Sala ne koutou ne ata e fetau tonu mo te mataupu tenei.

Lesona.

A te tala o Esekia te tupu o Iuta. A ia ne talo ki te Atua, ona ko te tupu o Asulia ne uga mai ana kautau o siki taua ki a Esekia mo tena malo. Ne talo Esekia ki te Atua mo se fesoasoani, ne talia te talo, tela ne uga mai ei te agelu a te Atua o ta katoa a te kautau a te tupu o Asulia tela ko Sanelivi.

Ke iloa ne koutou faiakoga te mea ne ‘pei ei a laua ki loto i te falepuipui, mo la mea kola ne fai i loto i te falepuipui i te taimi ne loka ei laua i loto i te falepuipui.

Taumafai ke maua ne ata o Paulo mo Sila i te falepuipui, Kafai e seai ne ata a koutou e maua, ko fakaaoga ei a ata i te feagaiga fou, itulau 226.

Lesona.

Ko ‘pei a Paulo mo Sila ki te Falepuipui.

A te mea ne ‘pei ei a Paulo mo Sila ki te falepuipui, ona ko laua e galue o fakalei a tino masaki i te igoa o Iesu. E pela mo tamafine e pukea ne temoni, ne fakalei ne laua i te igoa o Iesu. Ne moli ei a laua ne tino pule o te tamaliki fafine ki te fono, kae molimau atu ia laua e fakatupu fakalavelave i te lotou fenua. Tena te mea ne pei ei laua i te falepuipui.

Paulo mo Sila ko viki ki te Atua.

I loto i te falepuipui, ne pikifao ei a la vae ki seni malosi. I te valuapo, ne usu pese a Paulo mo Sila o viki ki te Atua kae talo. Ko te mea e iloa ko matala a mataloa o te falepuipui, ko matala foki a pikifao i o la vae. Ko te mea e iloa ko takitaki laua ne te agelu ki tua o te falepuipui. Kiloake, ki tavini konei a te Atua, e ui e iloa e tupu ki ei a mea faigata, kae “viki e iloa ne laua te Atua, kae talo foki ki te Atua.

Ko te tala o Polini.

A Polini se tamaliki fafine Amelika, a tena tamana se misionale, a ko tena matua ko mate. I Kilisimasi i tausaga takitasi e masani faeloa o maua ana meaalofa, mai tino fai meaalofa o te Kilisimasi. I te Kilisimasi e tasi, ne maua a tena meaalofa, kae tala ake nei ne lakau sasale. Ko oko e iloa i te se fiafia o Polini ki tena meaalofa. Muna tena tamana, Polini ke maua ne koe te loto fakafetai ki tau meaalofa ko maua. Me i meaalofa kona, ko te ata o te meaalofa o te Kilisimasi. I te Kilisimasi, e viki kae fakafetai ei tatou ki te Atua, ona ko tena meaalofa ki te lalolagi e auala i tena Tama tokotasi ko Iesu Keliso ne vau o mate ke ola te lalolagi katoa. Muna Polini, e tonu koe e toku tamana.

Mea fai a tamaliki.

Fai ne fesili:

- (a). A ia ne pei ei a Paulo mo Sila ki te falepuipui?
- (e). Nea la mea ne fai i loto i te falepuipui?

Fakatomuaga o te vaega.

1. A Petelu ko kalagagina ne Iesu ke tautali atu.
2. Ko lavea ne Petelu a galuega gali kae fakafoofogina a Iesu.
3. “Koe ko te Keliso”.
4. Ko fakafiti ne Petelu a Iesu, kae ne fakamagalogina
5. Ko Petelu i tua o te Penetekoso. A lesona konei e uiga ki a Petelu, e maua ei se akoakoga mo tamaliki ke lavea ne latou a te fakatamala o Petelu. Fakaasi atu foki i te tukuatuga a ia ki a Iesu e katoatoa, kae oti ei ko fakafiti me se iloa ne ia a Iesu. Kae ui e iloa ne fakamagalogina ne te Al-iki ko Iesu Keliso a Petelu.

Lesona 1: PETELU KO KALAGAGINA NE IESU KE TAUTALI ATU.

Pogai o te vaega.

Fesoasoani ki tamaliki ke lagona ne latou te loto fia tautali ki a Iesu, e pela mo Petelu.

Tusi Faitau: Luka 4:38-44, 5:1-11

Fakatokaga mo Faiakoga.

Faitau fakalei a tusi faitau, ko fakamatala ei ki tamaliki.

Ke iloa ne tamaliki a Iesu e fonu i te alofa mo te kaimalie. E fesoasoani o fakalei a masaki o tino kola e talitonu mo te loto katoatoa mo te fakamaoni ki a Iesu.

E seai se fita ia Iesu kae na ko te agalei mo te loto fesoasoani.

Lesona.

Te tala nei ko te sautalaga a Petelu mo tena taugasoa:

Petelu: Talofa taugasoa, e a koe?

Taugasoa: Talofa Simona, ko oko i te se 'tau o matou aua ko se tii lagona sale tou leo i te tai o Kalilaia i te lua o po konei ko teka atu. Au ne logo me ko isi sou igoa fou?

Petelu: Ao! A Iesu mai te fakai o Nasaleta ne fakaigoa ne ia au ki a Petelu.

Taugasoa: Petelu ko tona uiga ko te papa; ne? A kaupapa e makeke, a ko koe e seai se tino e iloa ne ia me ne a au mea ka fai mai tua.

Petelu: E seai soku lagona me i a au kafai pela me se papa.

Taugasoa: A Iesu e fai vavega; ne? Kai matea aka loa ne koe ke fai ana vavega?

Petelu: Ao! Ko oti ne lavea ne au, I te aso sa tena; Ne olo maua mo Iesu o kai i te motou fale i te matua'ga o te lotu. Oko atu maua ki te fale e seai lele ne meakai, a ko te fale ko oko e iloa i te ligoligo. Ne tapa atu au ki taku avaga, ko Tokasi. Ne ulu mai a Tokasi ki tua mai i te potu, kae fai mai i tena matua, ko Loota ko se fakatau mai te masaki. Tela ne ulu atu a Iesu ki te potu, ne puke ki te lima o Loota, kae mai kona ne lei katoatoa tena masaki. Tela tafuke ki luga a Loota, kae ulu atu ki tua o fakatoka a meakai. Se a tau fakatau, e fakafoofogina te mea nei?

Tausagoa: Tapa, ko se fakatau e iloa te fakafoofogina. E isi aka foki ne vavega a Iesu ne fai?

Petelu: Mai tua i te fakaleiga ne ia a Loota, ne ualolo mai a tino tuli, kivi, fiva, kae ne fakalei katoa a olotou masaki ne Iesu. Ne seki matea ne koe te fiafia o latou konei ko lei mai olotou masaki, kae maise a tino pili ko maua o sasale.

Taugasoa: Au e talitonu ki au fakamatalaga, kae sea te mea e tupu ki ika lasi konei e maua e penei mo pati a taulasiga e fai mai?

Petelu: I te po e tasi, ne olo matou mo Antelea, Iakopo, mo Ioane o fagota, kae seai lele se ika ne maua. Olo ake a matou ki uta kae ponopono te motou tili i te tafatai. Matea atu ei ne au a Iesu e sasale tonu mai ki a matou fakatasi

VAEGA 5: FAIPATI MO TE ATUA I TE TALO.

Pogai.

Takitaki tamaliki ki te faiga o te Talo. Ko te mea ke faipati sale mo te Atua e alatu i te Talo.

Lesona i loto i te vaega:

Tuku atu a vikiga mo Fakafetaiga.

Talo mo tatou e iloa.

A te Atua ne faipati mo Iosua.

Iesu ko talo.

A tamaliki i te tausaga tenei ko tau o akoako ke iloa ne latou o talo. A te tupu aka o te tamaliki i tena foitino mo tena mafaufau, e puke vave ne ia so se mea e lavea ne ia, io me fakalogo ki ei. Tela la, e tenei te taimi tonu, e tau i ei mo Matua mo faiakoga Asotapu, o atiake te iloa o te tamaliki i te feitu ki te Atua, kae ke mafai foki o iloa ne latou, me ia latou e mafai o faipati mo te Atua e auala i te talo.

Lesona 1: TUKU ATU A VIKIGA MO FAKAFETAIGA.

Pogai.

Akoako a tamaliki ke iloa ne latou o talo i a latou e iloa. Fesoasoani ke iloa ne latou o tuku atu a vikiga mo fakafetai ki te Atua.

Tusi Faitau: Galuega 16:16-34

Fakatokaga mo Faiakoga.

Faitau fakalei ki te tala o Paulo mo Sila i loto i te falepuipui i Filipi.

Iesu, kae ne matea ne latou a mea e pela mene ahi i luga i olotou ulu. kae ne iloa ne latou me ne tauto mai ne Iesu a te Agaaga Tapu. ko ia ka fesoasoani ki te fakalauefaga o tena muna. Tela ne olo atu a Petelu mo soko o Iesu o folafola atu kae talai atu a te tala lei e uiga ki a Iesu, te Tama a te Atua.

Ko fakalei ne Petelu a te tagata pili.

e isi se tagata pili, tela e masani sale o nofo i te mataloa o te faletapu, o akai ki tupe a tino kola e olo sale ki loto ite faletapu. I te laveaga ne ia a Petelu mo Ioane, akai atu e iloa a ia ki a laua. Ne fai atu a Petelu ki te tagata pili, “Kilo mai kia maua!” Ne kilo atu a ia mo tena fakamoemoega maluga me ka isi ne ana tupe ka maua. kae ne muna atu a Petelu, “ E seai ne aku tupe kae ka tuku atu fua ne au te mea tenei e nofo mo au i te igoa o Iesu Keliso te Nasaleta, Tuu ki luga o sasale. Ne tuu ki luga kae ne ofo me ko maua ne ia o sasale. Tela ne viki atu ei ki te Atua.

Ko te loto toa o Petelu

Ne pei a Petelu mo Ioane ki te falepuipui ona ko la galuega lei ne fai. I te taeao akega ne tuu Laua i mua o te fonu, kae seai se matakua ia laua ona ko te kau fakatasi o te Agaaga Tapu. Ne fakamasino me i te igoa o oi tela e fakalei ne laua a masaki? Kae ne tali atu a Petelu, ‘ I te igoa o Iesu Keliso te Nasaleta tela ne fakasataulo ne koutou, kae ne toetu manumalo. Tenei ne tuku mai ne ia te mana ki a matou.

Ne fakasaoloto ne te famasino ke tala ki tua o te falepuipui, kae mo a e toe talai ne laua me ko soko o Iesu a te tala lei e uiga ki a Iesu. Kafai e toe talai ne laua, ka maua a laua ne fakasalaga faigata. kae ne tali atu a Petelu, “ A matou e se fia fakalogo ki otou fakatonuga. A ko matou e fakalogo ki fakatonuga a te Atua.

Mea fai a Tamaliki.

Sea te uiga o te Igoa o Petelu?

A Petelu ne matakua o fakafiti a Iesu fakamuli?

Fakamau te mea tauloto i te Galuega 4:20

Talo

Fakafetai atu matou ona ko tou Agaaga Tapu, ko te motou fesoasoani sili e mafuta mo matou ki te se gata mai, Amene.

mo te vaitino. Kae ne fai mai ke ave aka a ia i te poti. Tela ne olo a latou o ave i te pooti. Lauga atu ki te vaitino kae fai mai “ Olo atu ki te koga poko, o pei te otou tili. Au ne fai ki a ia “Te faiakoga, te tili a matou ne pei i te po katoa, kae seai se ika e tasi ne maua. Kae lei seafaina, a matou e olo. Ne olo atu matou pei te tili, kae e iloa ne koe me se a te mea ne tupu. A te tili ko fonu e iloa i ika. Ne maua ne latou a ika e matelau, matalima mo te tolugamata. {153 ika.}.Tela ne tapa atu au kia Iakopo mo Ioane ke fesoasoani i te futi akega o te tili.

Taugasoa: Kaati tena e iloa te lasiga o ika ne maua mai i te faikaga o tino. Sea tou lagona?

Petelu: Au ko oko i toku matakua, aua me iloa ne au i a Iesu mai i te fakai o Nasaleta ko oko e iloa i te ‘mana. Ao toku olaga ko fonu i te agasala mo te vaivai. Kae ne fai mai a Iesu. Ke sa manavase i aku ko se toe faiika.

Taugasoa: A Iesu ko oti ne fili ne ia tou olaga katoatoa. I taimi nei a tona igoa ko Simona Petelu, ko soko o Iesu. E mafai ne au o tautali ki a Iesu?

Petelu: Ao! Vau, ke olo tasi taua ki a ia.

Mea fai a Tamaliki:

Usu te pese pela “I will make you fishers of men....”

Onono ki te tusi a Luka 5:10 (A ko te afa ki lalo) ke fakamau ne latou e pela me se mea tauloto. “Ne fai atu a Iesu ki a Simona, “Sa matakua; mai i te taimi nei o fano ki mua, ka maua ne koe ne tino.”

Lomi ne ata o tino faiika.

Talo.

Fakafetai te Atua mo te akoakoga ne maua ne matou i a Petelu. Ke tautali atu matou ki a Iesu i te Agaga o te alofa mo te fakamaoni. Amene.

Lesona 2:

KO LAVEA NE PETELU A GALUEGA GALI KAE FAKAOFOFOGINA A IESU.

Pogai o te vaega:

Fakaasi ki tamaliki a galuega fakaofofogina a Iesu ne fai kola ne matea ne Petelu ki ona mata

Tusi faitau: Maleko 4: 35; 5: 43

Fakatokaga mo Faiakoga:

1. Ko te Afa: A te namo o Kalilaia e masani sale o sou manafai se afa e fakamafua o poko. Tela ko mafai ei o sou te namo o Kalilaia. Ako soko o Iesu e matakū.

2. Te tagata valea: A Iesu ne taumafai o fai ana galuega masani. Kae fesili atu a Iesu ki tena igoa.

3. Lekeono: Te potukau e 6,000 kola e nofo i loto i a ia. Kola e fakatupu ne latou a mea fūi fai kae fakamatakū. Aua i te tagata ko Lekeono e isi sena malosiga fakatiapolo.

Lesona:

KO TE AFA I TE VAITAFE:

Ne olo a Iesu mo ona soko i te poti ki te sua feitu o te vaitafe, a ko te aso ko oko eiloa i te gali. Tela ne sasale a Iesu ki te taumuli o moe. I te okoga o te poti ki te kogaloto o te vaitafe. Ne agi malosi te matagi, mo peau ko fati ki loto i te poti. A soko o Iesu ko oko i te manavase mo te matakū. Tela ne tele te soko e tasi o fagu a Iesu. Ne tu ake a Iesu, kae vao ne ia te matagi mo peau, ke malu. Ne malu te matagi fakatasi mo te tai. Kae ne ofo ona taugasoā ki ana mea ne fai, tela ne muna aka pela a Petelu mo niisi soko. Ko oi tenei te la e fakalogo ki ei a te matagi mo peau?

Iesu ki a ia “Fagai aku mamoe”. Ne fiafia Petelu me e iloa lei ne ia me ko oti ne fakamagalo ne Iesu i tena fakafitiga.

Mea fai a Tamaliki:

E fia taimi ne fakafiti ne Petelu a Iesu?

Ne alofa a Petelu ki a Iesu fakamuli me ikai?

A Iesu e fiafia kia Petelu I te otiga ne fakafiti ne e se iloa lele ne ia Iesu?

Talo

Fakafetai ona ko tou alofa mo matou ko mafai ne tau tama fakamagalo a omotou agasala e ui I te vaivai mo te valea. I te igoa o Iesu, Amene.

Lesona 5: KO PETELU I TUA O TE PENETEKOSO

Pogai.

Ke iloa ne tamaliki a te loto toa o Petelu, ona ko te kaufakatasi o te Agaaga tapu ka ke iloa ne tamaliki me mafai foki ne latou o maua a te mana tenei.

Tusi Faitau: Galuega 3: 1-8, 16; 4:1-21

Mea Tauloto: Galuega 4:20. “Me se mafai o fakagata ne maua te ma faipati ki mea ne matea kae lagona ne maua.”

Fakatokaga mo Faiakoga.

Faitau fakalei a tusi faitau kae ke masaua i te iva itula ko te tolu ite afiafi i te fenua o Iutaia

Ke masaua ia koutou a faiakoga a Satukaio, ko toe tino lotu eiloa i te kau Iutaia. E se talitonu ki te toetu mai i te mate.

Lesona.

Ko tauto Iesu e uiga mo te Agaaga Tapu.

I te aso e tasi, mai tua i te fanakega o Iesu ki te lagi, ne talo a soko o

Mea tauloto: Ioane 21:17; “Fagai aku mamoe.”

Fakatokaga mo Faiakoga.

Faitau fakalei a tusi faitau, kae ke masaua ia Petelu ne fakafiti ne ia a Iesu fakatolu

Kae ui eilola i ana fakafitiga ne fakamagalogina ne Iesu. Kae ne muna atu a Iesu. Kafai e alofa tonu koe ki au, folafola atu a te tala lei e uiga ki a Iesu ki te lalolagi katoa.

Lesona

Ko maua ne Raka a te lua o ana avanoaga

i te aso e tasi, ne fai atu a te faiakoga kia Raka, ke tausi ne ia a te fatoaga koko. Tela ko se fakatau i te fua. Ne puli i a Raka, tela ne olo ifo ei a lakau o mate. Ne fai atu te faiakoga me se a te mea e tupu i koko, kae ne fakaloiloi ne ia te faiakoga me seki fai atu lele eilola ke tausi ne ia te fatoaga. Ne tali atu te faiakoga, ko lei, tuku mai ke tausi ne au. Ko oko i te ma o Raka, tela ne fakamatala ne ia te fakalavelave tenei ki tena Tamana. Ne uga ne tena Tamana ke foki o fakatoese. I te vaiaso mai tua ifo ne tofi ne te faiakoga a Raka ke tausi ne ia te fatoaga. Ne fakamaoni kae tausi fakalei a te fatoaga.

Ko fakafiti a Iesu ne Petelu.

I te po e tasi, ne mai a sotia o puke a Iesu. Ko oko eilola i te matakou o Petelu. Kae ona ko tena matakou ne puli ei a tena tautoga mai ki a Iesu. Tela ne fakafiti fakatolu me se ilola lele ne ia a Iesu. Kae i te fakaotiga ne tagi pakalaga e tusa mo te mea ne fai ne ia.

Ko maua ne Petelu te lua o avanoaga.

I te toetu akega o Iesu, kae ne fakatasi mo Petelu mo ona soko i te matafaga. Ne fai atu a Iesu ki a Petelu, a koe e alofa mai? Ne tali atu a Petelu, ao e ilola ne koe au e alofa ki a koe. Kae ne fai atu a Iesu ki a ia, Fagai aku tama mamoe. ne toe fai atu a Iesu i te fakalua ki a ia, Simona te tama a Ioane, e alofa mai koe ki a au? Ne tali mai Petelu, ao, e te Alike, e ilola ne koe au e alofa ki a koe. Ne fai atu a Iesu ki a ia “Tausi aku mamoe”. Ne toe fai atu a Iesu i te fakatolu, “Simona te tama a Ioane, e alofa mai koe ki a au? Kae ne tali a Simona ki a ia, “ Te Alike, e ilola ne koe a mea katoa, e ilola foki ne koe ia au e alofa ki a koe”. Ne fai atu a

2. KO FAKALEI NE IESU A TE TAGATA VALEA:

I te okoga a Iesu fakatasi mo ona soko ki te sua feitu o te vaitafe, kae ne tele mai a te tagata, tela e ulufia ne agaaga masei o fakafetaui atu ki a latou.

Ne totuli ki mua o Iesu, a ko te agaaga masei ne kalaga mai ki a Iesu pe nei: Ai a koe e vau ki au, Iesu te tama a te Atua? Au e fakamolemole ke sa fakalavelave ne koe au. Kae ne fesili atu Iesu me ko oi a ia? Ne tali mai me ko Lekeono tena igoa. Ne faipati atu agaaga masei ki a Iesu ke uga latou ki loto i puaka. Ne uga ne Iesu a agaaga ki puaka, tela me ulufia a puaka. I te toe foki o latou ki te fakai ne toe mafaufau mafa a Petelu ki galuega fakafoofogina a Iesu ne fai.

3. KO FAKALEI NE IESU A TE TAMALIKI FAFINE FOLIKI

I te okoga a Iesu mo ona soko ki te fakai, ne tele mai a te tagata ki a ia, kae fakamolemole ki a Iesu ke vave atu ki te lotou fale me i te tamaliki fafine a ia ko tai mate. Ne olo tasi a Iesu mo te tagata tenei. I te oko maiga a laua ki te fale, kae maua atu te taulasiga e tagi, me i te tamaliki fafine a ia ko tai mate. Ne uga ne Iesu a latou katoa ke olo ki tua mai te fale. Kae ne olo tasi mo te Tamana mo te matua o te tamaliki fafine. Ne puke a Iesu ki te lima o te tamaliki fafine, kae muna atu, tu ki luga, ne tu ki luga a tamaliki fafine kae kata atu kia Iesu. Kae ne uga atu ne Iesu te matua o te tamaliki fafine, ke fakatoka ne meakai ke kai a te tamaliki fafine.

Mea fai a Tamaliki:

Sea te mea ne tupu ki te poti o Iesu mo ona soko i te Ologa ki te sua feitu o te vaitafe?

Ko oi te igoa o te tagata valea tela e ulufia ne agaaga masei?

Ne uga ki fea ne Iesu a agaaga masei mai te tagata valea?

Sea te mea ne fia maua ne te tagata tela ne fakafetaui kia Iesu i te foki Maiga mai te sua feitu o te vaitafe?

Talo:

Fakafetai te Atua mo mea fakafoofogina ne fai ne Iesu mo te lei o au fanau i te igoa o Iesu. Amene.

Lesona 3: KOE KO TE KELISO.

Pogai:

Ke iloa ne tamaliki a Iesu ko ‘toe tagata lei kae alofa- ko te tama a te Atua.

Tusi faitau: Mataio 16: 13-23; 17: 1-8

Mea Tauloto: Mataio 16: 16. “Ne tali mai Simona Petelu, A koe ko te Keliso, ko te Tama a te Atua ola.”

Fakatokaga mo Faiakoga:

Faitau fakalei a te tusi faitau, kae ke iloa ne koutou faiakoga me ko Kaisaleia Filipi e tu i te isi feitu o Kalilaia. Taulasiga o tino i te fakai tenei se ne tino Iutaia.

Ke masaua ne koutou, me ko Kaisaleia Filipo tela ne fesili atu a Iesu ki ona soko. Ko oi otou fakatau me koi au? Ne fia iloa ne ia me malamalama i te mea tonu. Ko te mea ke talitonu malosi a ia me i ana galuega e aoga mo tatou.

Lesona:

IESU KO TE KELISO, TAMA A TE ATUA.

Petelu ne olo fakatasi mo Iesu mo niisi tino ki fakai foliki o fakalei a masaki o tino kae maise te folafolaga te muna a te Atua ki tino fakalogologo, i fakai foliki. Kae i te okoga ki te fakai e igoa ki Kaisaleia Filipi. Ne muna atu a Iesu ki ona soko penei: Nea mafaufauga o Iesu ki ona soko e uiga kia au? Io me kooi au? Kae ne tali atu latou penei: “Niisi ne muna aka pela ia koe ko Ioane te papatiso, niisi ne muna aka me ko Elia, Ieemia, io me se pelofeta. Kae ne fai atu Iesu ki a Petelu penei, “Ka koi la au? Kae ne tali atu a Petelu penei: “A koe ko te Keliso, te Tama a te Atua ola.”

2. KO TE TAIMI KA MATE EI IESU

Ne lauga atu a Iesu e uiga mo mea ka tupu ki a ia. Kae maise ko tena mate i te sataulo. Mo tena toetu manumalo mai te mate. Ne muna atu aka pela a Petelu ki a Iesu. Ka puipui ne latou a Iesu mai fakalavelave ka tupu ki a ia. Ne fai atu Iesu penei: “Petelu, a koe e faipati e pela mo Sautani. A koe e se fesoasoani mai. A mafaufauga o koe e se ko te lotu tonu o te Atua. Au seki malamalama i ana pati. Ona ko toku alofa ki a Iesu mo toku lotu fesoasoani atu mo ia se ko te lotu tonu o te Atua. Au seki malamalama i ana pati, ona ko toku alofa ki a Iesu mo toku lotu fesoasoani atu mo ia.

3. Ko fuli a foliga o Iesu:

A Iesu ne olo atu ki te Mauga fakatasi mo Iakopo, Petelu mo Ioane. Tela ne fanatu a Iesu o talo, a ko soko konei ne moe. I te lotoga te lotou moe ne poi ake latou i te mainaga lasi ne lavea ne latou. I te mateaga ne latou te mainaga tena, ne matea ne latou a Iesu fakatasi mo te tokolua. A laua konei ko Mose mo Elia.

A matou ne nofo kae mautinoa tonu a Iesu ko te tama a te Atua.

Mea fai a tamaliki:

Ai a ne taumafai a soko o Iesu o taofi ke mo a ma fano ki Ielusalema?

Ai a ne seki tautali a Iesu ki manatu a ona soko?

Fakamau te mea tauloto i te Mataio 16: 16

Talo:

Fakafetai mo tau tama ko Iesu Keliso, te fakaola tokotasi o matou. Amene.

Lesona 4: KO FAKAFITI A IESU NE PETELU, KAE FAKAMAGALOGINA.

Pogai o te vaega:

Fesoasoani ki tamaiki ke maina me Kafai e agasala a latou, Iesu e alofa e iloa ki a latou, kae ke maua ne latou te fakamagaloga mafai e salamo.

Tusi Faitau: Luka 22: 31-34, 54-62, Ioane 21:1-25